

کِتابِ مُکاشفه

پیشگفتار

کِتابِ مُکاشفه زمانی نوشتہ شد که ایماندارای عیسیٰ مسیح ازی که عیسیٰ مسیح ره مولا مُوگفت، آزار-و-اذیت مُوشد. مقصدِ اصلی یوحنا ای استه که ایماندارا ره تشویق کنه و بَلِدِه ازوا اُمید بِدیه تا اونا دَ وختِ سختی و مُشكِلات دَ ایمان خُو مُستَحکم و وفادار بُمنه.

کَلونی امزی کِتاب رویا های اَسته که بَطْورِ تَشبیه و سرپوشیده بیان شده و ایمانداری امزُو زمان او ره خُوب پَی مُوبُرده، ولے بَلِدِه دِیگرو پُر از رَمز-و-راز اَسته.

دَ امزی کِتاب یوحنا از طرفِ خُدا یگ رویا مینگره و دَ امزُو رویا دَز شی هِدایت دَده مُوشه که بَلِدِه هفت جماعتِ ایماندارِ ولایتِ آصیا خط نوشتہ کنه و اونا ره ام تشویق کنه و ام اخطار بِدیه. باقی رویای یوحنا دَ باره جنگِ لشکر های خُدا و لشکر های اِبليس آسته که دَ امزُو جنگ اِبليس شِکست مُخوره و آسمو و زمینِ نَو دَ وجود میه که دَ وسیله شِکوه-و-جلالِ خُدا روشو-و-درخشان آسته.

فهرستِ عنوانها

مُقدمه (فصل ۱ آیه ۱)

شروع پیشگویی (۴:۱)

رویای یوحنا (۹:۱)

خط‌ها بَلِدِه هفت جماعتِ ایماندار (۲۲:۳ تا ۲:۲)

تَختی که دَ عالِم باله یَه (۱:۴)

طومار و باره (۱:۵)

کندونِ مُهر‌ها (۱:۶)

یگ صد و چهل و چار هزار (۱:۷)

گروه کُلِه قد کالا‌های سفید (۹:۷)

مُهرِ هفتُم (۱:۸)

هفت شیپور (۶:۸)

ملایکه و طومار ریزگَگ (۱:۱۰)

دُو شاهِدِ خُدا (۱:۱۱)

شیپورِ هفتُم (۱۵:۱۱)

خاتُو و آزادار (۱:۱۲)

جانَوِرِ وَحشی دریا (۱:۱۳)

جانَوِرِ وَحشی دوّم (۱۱:۱۳)

باره دَ بَلِه کوهِ صَهیون (۱:۱۴)

سِه ملایکه (۶:۱۴)

شروع کارِ دروگرا (۱۴:۱۴)

هفت ملایکه و هفت بَلَ (۱:۱۵)

هفت پیله غَضَبِ خُدا (۱:۱۶)

فاحِشَه کَثَه (۱:۱۷)

سُقُوطِ شَارِ باُبُل (۱:۱۸)

خوشی دَ عَالَمِ باله (۱:۱۹)

هزار سال (۱:۲۰)

محْكُوم شُدُونِ شَيْطَو (۷:۲۰)

قَضَاؤَتِ مُرْدَهَا (۱۱:۲۰)

اورُشَلَيمِ نَو (۱:۲۱)

دریای آبِ حَيَات (۱:۲۲)

^۱ ای مُکاشفه عیسی مسیح آسته که خُدا بَلِدَه شی دَد تا چیزای ره که دُزودی باید واقع شنه، بَلِدَه خِدمتگارای خُو نِشو بِدیه. او ملایکه خُوره رَبی کد تا امُو چیزا ره بَلِدَه خِدمتگار خُو یوختا برَمَلا کُنَه. ^۲ و یوختا دَباره تمام چیزای که دید شاهِدی مِیدیه، یعنی دَباره کلام خُدا و شاهِدی عیسی مسیح. ^۳ نیک دَبَختِ کسی که کلمه های امزی پیشگویی ره میخانه و نیک دَبَختِ کسای که گوش میگیره و چیزای ره که دَمزی پیشگویی نوشته یه نگاه مُونه، چراکه وخت نزدِیک آسته.

شروع پیشگویی

^۴ از طرفِ یوختا، بَلِدَه هفت جماعتِ ایماندارا که دَولایتِ آسیا آسته: فَیض و سلامتی از طرفِ امزُو که آسته، بُود و میبیه نصیب شُمو شُنه و از طرفِ هفت روح که دَپیشِ رُوی تَخت شی آسته، ^۵ و از طرفِ عیسی مسیح که شاهِدِ راستگوی آسته و اوّلین کسی که از مینکلِ مُرده ها زِنده شُده و حکمرانِ پادشايون زمی یه.

امُو که مو ره مُحبَت مُونه و مو ره از گُناهای مو قد خُون خُو آزاد کد ^۶ و مو ره دَپادشاهی رَسَند تا دِعنوان پیشوا بَلِدَه خُدا یعنی آتِه شی خِدمت کنی؛ جلال و قُدرت تا آبدالاً باد اُزو باد! آمین.

^۷ اونه، او قد آور ها میبیه

و هر چیم او ره مینگره،

حتی کسای که او ره قد نیزه زَده؛

و تمامِ قَوم های رُوی زمی بخارطِ اُزو ماتم مُونه. آرَه، امی رقم مُوشه! آمین.

^۸ خُداوند-خُدا مُوگیه: "ما «أَلْفٌ» و «يَا» آسْتُم، امُو که آسته، بُود و میبیه، امُو قادر مُطلق."

۹ ما یوحنًا، بِرَار شُمُو آسْتُم که دَآزار-و-أَدِيَّت و دَپادشاھی و دَصَبَر-و-خَوْصِلَه دَوْسِيلَه عِيسَى مسيح قد شُمُو شِريک آسْتُم. ما بخاطِرِ كلامِ خُدا و شاهِدي دَبارِه عِيسَى مسيح دَيگ جِزِيرَه دَنَامِ پاتموس بُودُم^{۱۰} که دَرُوزِ مَوْلَا دَزِيرِ تاشِيرِ روح قرار گِرْفَتم و از پُشتِ خُويگ آوازِ بلند رقمِ آوازِ شِيبُور شِينيدُم^{۱۱} که گُفت: "چيزِي ره که مِينَگَرِي دَيگ کِتاب نوِشته کُو و دَهْت جماعتِ ايماندارا رَيَّي کُو، يعني دَإِفسُس، إِسمِيرَنا، پِرَگاموس، تِياتِيرَا، سارِدِس، فِيلَادِلفِيه و لائِوَدِيكِيه."

۱۲ اوخته رُوي خُو ره دور دَدم تا صاحِبِ امزُو آواز ره که قد ازمه توره مُوكَفَتِ بِنَگَرم؛ و غَيْتِيكِه رُوي خُو ره دور دَدم هفت چراگدانِ طِلَابِي ره دِيدُم^{۱۳} و دَمِينَكِلِ چراگدانَا يَكُو كَس رقمِ «باقِه إِنسَان» آلَى بُود که چَنِ دراز پوشِيدُد و شالِ زَرِينَ دَبلِه سِينَه شَي بُود. سَر و مُوي شَي رقمِ پاشرُمَآلِي سَفِيد بُود، سَفِيد مِثْلِ بَرف؛ و چِيمَاي شَي رقمِ اللَّنِكِه آتش، پَاي هَاي شَي رقمِ بُرْنَجِ جَلا دَدَگَي که دَکوره آتشِ جَلا دَده شُده بَشه و آواز شَي رقمِ غُرِيشِ آهَاي کَلو. ۱۴ او دِستِ راستِ خُو هفت سِتاره دَشت و از دان شَي شمشيرِ تيزِ دُو دَم بُرْ مُوشَد و چَهْرَه شَي رقمِ آفتو آلِي بُود که روشنَي بَقَوَت مِيدَد.

۱۵ وختِيكِه او ره دِيدُم رقمِ مُرَدَه آلِي دَبيشِ پَاي هَاي شَي افَتَدُم، ليکِنْ او دِستِ راستِ خُو ره دَبلِه مه ايشَتَه گُفت: "ترس نَخُور، ما اوَل و آخرِ آسْتُم^{۱۶} و امُو که زِنَدَه يَه. ما مُرَدَه بُودُم، ولَسْ توخِ كُو، آلِي تا آبَدَالْبَادِ زِنَدَه آسْتُم و كِلَي هَاي مَرَگ و عَالِمِ مُرَدَه هَا دَبيشِ از مه يَه.^{۱۷} پس چِيزَاي ره که دِيدَي و چِيزَاي ره که آسَتَه و چِيزَاي ره که بعد ازِي واقع مُوشَه نوِشته کُو. رازِ امزُو هفت سِتاره که دِستِ راست مه دِيدَي و رازِ امزُو هفت چراگدانِ طِلَابِي ايني آستَه: امُو هفت سِتاره ملَايِكَه هَاي هفت جماعتِ ايماندار آستَه و امُو هفت چراگدان امُو هفت جماعتِ ايماندار.

بَلِدِه جماعتِ ايمانداراي شارِ إِفسُس

۲ بَلِدِه ملَايِكَه جماعتِ ايمانداراي إِفسُس نوِشته کُو:

امُو کسَي که هفت سِتاره دِستِ راستِ خُو دَره و دَمِينَكِلِ هفت چراگدانِ طِلَابِي قَدَمِ مِيزَنه ايني تورا ره مُوكَيَه:
۳ ما از اعمالِ تُو، از رَحْمَت و صَبَر-و-خَوْصِلَه تُو باخبر آسْتُم. ما مِيدَنُم که تُو مرْدَمَاي شِريِر ره تَحَمُلِ نَيَيَشَنِي؛ تُو

امو کسای ره که خود ره رسول مُوگیه، ولے نیسته آزمایش کدی و پی بُردی که اونا دروغگوی آسته. ^۹ تو صبر-و-حوصله کدی و بخاطر نام ازمه سختی ها ره تَحْمُل کدی و مَنَدَه-و-دِلَسَرَد نَشَدَی.

^{۱۰} لیکن امی یگ شِکایت ره دَضِدِ تُو دَرُم: تُو عِشق-و-علاقه اولی خُوره ایله کدے. پس دَیاد خُوبَیرو که از کُجا افتَدَی! توبه کُو و امو اعمال ره انجام بَدی که دَاوَّل انجام میدَدی. اگه توبه نَكْنَی، ما دَپیش تُو میبیم و چراً غدان تُوره از جای شی باله مُؤْمَن. ^۹ لیکن امی یگ خُوبی ره دَرَی که از کارای نیکولاستان بَد مُوبَری، امو رقم که ما ام بَد مُوبَرُم. ^{۱۱} هر کسی که گوشِ شِنَوا دَرَه، گوش بِگیره که روح بَلَدِه جماعت های ایماندارا چِيز خیل مُوگیه. هر کسی که پیروز شُنَه، ما بَلَدِه ازو حق میدیم که از درختِ حیات که دَبَاغ بِهِشتِ خُدا آسته، بُخوره.

بَلَدِه جماعتِ ایماندارای شارِ إسمیرنا

^{۱۲} بَلَدِه ملایکه جماعتِ ایماندارای إسمیرنا نوشتَه کُو:

امو کسی که اول و آخر آسته، امو که مُرَد و دُویاره زِنَدَه شُد، اینی تورا ره مُوگیه: ^۹ ما از مُصِبَت و غَرِيبی تُو خبر دَرُم، باوجودِ که دَولَتَمَند آستَي! ما از بَدَگُوی امزُو کسا خبر دَرُم که خود ره یهودی مُوگیه، ولے یهودی نَبَیَه، بَلَکَه جماعتِ شَيَطَنَو آستَه. ^{۱۰} از رَنَج-و-عذابی که دَبَلَه تُو امَدَنَی آستَه، ترس نَخور. باخبر بش که إبْلِيس بعضی از شُمُو ره دَبَنَدی خانه مِينَدَزَه تا آزمایش شُنَید و بَلَدِه دَه روز شُمُو رَنَج-و-عذاب مِينَگَرید. لیکن تا دَمِ مَرَگ و فادار بش و ما تاجِ حیات ره دَز تُو میدیم. ^{۱۱} هر کسی که گوشِ شِنَوا دَرَه، گوش بِگیره که روح بَلَدِه جماعت های ایماندارا چِيز خیل مُوگیه. هر کسی که پیروز شُنَه، از مَرَگِ دَوَم هیچ ضَرَر نَمِينَگَرَه.

بَلَدِه جماعتِ ایماندارای شارِ پِرگاموس

^{۱۲} بَلَدِه ملایکه جماعتِ ایماندارای پِرگاموس نوشتَه کُو:

امو کسی که شمشیر تَبَزِ دُو دَم دَرَه، اینی تورا ره مُوگیه: ^{۱۳} ما مِيدَنَم که تُو دَكْجا زِنَدَگی مُونَی، دَجَای که تَختِ شَيَطَنَو آستَه. ولے باوجودِ ازی ام تُو دَنَام ازمه قایم-و-أَسْتَوار مندَے و ایمانی ره که دَز مه دَرَی إنکار نَکَدَے، حتَّی دَامُزُو روزای که آتِیپاس شاهِدِ وفادار مه دَمِنَکَل شُمُو، دَجَایی که شَيَطَنَ بُود-و-باش دَرَه کُشَتَه شُد.

^{۱۴} مَگَم چند چِيز دَضِدِ تُو دَرُم: تُو دَأُونَجَى کسای ره دَرَی که از تعليِمِ بِلَعَام نَبَی پیروی مُونَه، از تعليِمِ کسی که

بالاق پادشاه ره ياد دَد که دَم رُوي بَئى اسرائيل سنگِ لخشنندُک بيله تا اونا از خوراك های که بلده بُت ها قرباني شده بُخوره و دَ زِناكارى گِرفتار شُنه.^{۱۵} امي رقم تُو بعضى کسای ره ام دَرى که از تعلييم نيكولائيان پيروي مونه.^{۱۶} پس توبه کُو! اگه نَه، دَرُودي دَپيش تُو ميُم و قد شمشيرِ دان خُو دَخلافِ ازوا جنگ مُوم.^{۱۷} هر کسي که گوشِ شنوا دره، گوشِ بِگيره که روح بلده جماعت های ايماندارا چيزخيل مُوكىه: هر کسي که پيروز شُنه، ما از «من» تашه شده بلده شى ميديم و ام يگ سنگِ سفيد بلده ازو ميديم که دَرُوي امزُو سنگ يگ نام نَو نوشتنه يه که هيج کس او ره نموفame بغيir از کسي که او ره د دست ميره.

بلده جماعتِ ايمانداراي شاري تياتира

^{۱۸} بلده ملايکه جماعتِ ايمانداراي تياتира نوشتنه کُو:

باچه خُدا که چيمای شى رقم آنگه آتش آلى و پايای شى رقم بُرنج جلا دَدگى آسته اينى توره ها ره مُوكىه:^{۱۹} ما از اعمال تُو، از مُحبَّت، ايمان، خِدمت و صَبر-و-حَوصله تُو خبر دَرم و ميدئم که کاراي آخر تُو از اوّل کده خوبتر استه.

^{۲۰} ليکن امي يگ شِكایت ره دَضِد تُو دَرم: تُو امُو خاٽو ره که ايزايل نام دَره سر ايله ايشه، امُو ره که خود ره پيغمبر مُوكىه و قد تعليم خُو خِدمتگاراي مَره گُمراه مونه، تا زِناكارى کُه و از خوراك های که بلده بُت ها قرباني شده، بُخوره.^{۲۱} ما بلده شى وخت دَدم که از زِناكارى خُوتوبه کُنه، ليکن او نَميخايه که توبه کُنه.^{۲۲} اينه، ما او ره ميزئم که دَجاگه بُفتحه و کسای ره که قد ازو زِنا مونه دَرنج-و-مُصيبيت سخت گِرفتار مُونم، سِوای که اونا از کاراي خُوتوبه کُنه؛^{۲۳} و ما پيرواي ازو ره ميزئم که بُمره. اوخته تمام جماعت های ايماندارا ميدئنه که ما امُو آسَم که دِل ها و فِكرا ره كُنج-و-كاو مونم و هر كُدم شُمو ره دَمطابقِ اعمال شُمو آجر يا جزا ميديم.

^{۲۴} ليکن بلده باقى شُمو که دَتنياتира آستيد، شُمو کسای که اى تعليم ره قبُول نَكديد و چيزى ره که «راز غَوج شَيطو» گفته مُوشه ياد نَگِرفتيد، دَر شُمو مُوكم که ما كُدم بارِ دِيگه ره دَبله شُمو نَميم،^{۲۵} فقط دَچيزى که دَريد محكم بَشيد، تا وختيکه ما بَييم.^{۲۶} کسي که پيروز شُنه و کاراي مَره تا آخر دَجاي بيره، او ره دَبله مِلت ها قُدرت-و-اختيار ميديم:^{۲۷} او قد سوٽه آينى دَبله ازوا حُكمرانى مونه و اونا ره رقم کُوزه گِلی ميده مُوكنه، امُو رقم که ما قُدرت-و-اختيار ره از آته آسمانى يافشم.^{۲۸} امچنان بلده ازو سِتاره صُبح ره مُوبخشم.^{۲۹} هر کسي که گوشِ شنوا دَره، گوشِ بِگيره که روح بلده جماعت های ايماندارا چيزخيل مُوكىه.

بَلِدِه جماعتِ ایماندارای شارِ سارِ دس

^۱ بَلِدِه ملایکه جماعتِ ایماندارای سارِ دس نوشتہ کو:

امو کسی که هفت روح خُدا و هفت ستاره دَرَه اینی توره ها ره مُوگیه: ^۲ ما از کارای تُو باخبر آسْتم؛ تُو نام بُر کدے که زِنده آستَتَ، ولے مُرده يی. ^۳ بیدار شُو و چیزای ره که باقی مَنَدَه و نزدیک دَمُردو يه، قُوت بِدَی، چراکه ما اعمال تُو ره دَحُضُورِ خُدا کامل نیافشم. ^۴ پس چیزی ره که حاصل کدی و شِنیدی دَیاد خُوبیَّرو و او ره دَجَای اوُرده توبه کو. لیکن اگه بیدار نشُنَنی، ما رقِم دُز الَّی دَبَلَه تُو میَّمِ و تُو نَمُوفَامی که دَكُدم زمان دَبَلَه تُو میَّمِ. ^۵ لیکن هنوز چند نفر دَسَارِ دَرَه که دامون خُوره ناپاک نَکَدَه و اُونا دَکالای سفید قد ازمه قَدَم میَّزَنَه، چراکه لایق شی ره دَرَه. ^۶ هر کسی که پیروز شُنَه رقم ازوا کالای سفید دَجان شی دَدَه مُوشَه و نام اُزو ره هرگز از کِتابِ حیات گُل نَمُونَم، بلکه نام اُزو ره دَحُضُور آته خُو و ملایکه های شی اقرار مُوکَنُم. ^۷ هر کسی که گوشِ شِنَوَا دَرَه، گوش بِگیره که روح بَلِدِه جماعتِ های ایماندارا چیزخیل مُوگیه.

بَلِدِه جماعتِ ایماندارای شارِ فیلا دِلفیه

^۸ بَلِدِه ملایکه جماعتِ ایماندارای فیلا دِلفیه نوشتہ کو:

امو کسی که مُقدَّس و حق آستَه، امو کسی که کِلی داوُود ره دَرَه، امو که واز مُونَه و هیچ کس بسته کده نَمیَّتنَه، امو که بسته مُونَه و هیچ کس واز کده نَمیَّتنَه، اینی توره ها ره مُوگیه: ^۹ ما از اعمال تُو باخبر آسْتم. اینه، ما یگ درگه واز ره دَپیشِ روی تُو ایشتیم که هیچ کس او ره بسته کده نَمیَّتنَه؛ ما مِیدَنُم که قُوت تُو کم آستَه، ولے تُو کلام مَرَه نِگاه کدی و نام مَرَه إنکار نَکَدَی. ^{۱۰} اینه، امو کسای که از جماعتِ شَیطَو آستَه و خود ره یهودی مُوگیه ولے نَبَیَه و دروغ مُوگیه، ما اُونا ره وادر مُونَم که بَیَه و دَپیشِ پایای تُو بُفَتَه و بِدَنه که ما تُو ره دوست دَرُم. ^{۱۱} ازی که تُو کلام مَرَه قد صَبَرَ و حَوْصِلَه نِگاه کدی، ما ام تُو ره از ساعتِ آزمایش نِگاه مُونَم که دَبَلَه تمامِ دُنیا آمدَنَی آستَه تا تمامِ کسای که دَرُوی زمی زِنَدَگی مُونَه آزمایش شُنَه. ^{۱۲} ما دَرُودَی میَّمِ؛ پس دَچِیزی که دَرَی محکم بَش، تا هیچ کس تاج تُو ره گِرفته نَشَنَه. ^{۱۳} هر کسی که پیروز شُنَه، او ره دَخانِه خُدَای خُو یگ سُثُون جور مُونَم و او هرگز ازُونجی بُرو نَمُوره. ما دَبَلَه اُزو نامِ خُدَای خُو ره نوشتہ مُونَم و نام شارِ خُدَای خُو ره یعنی نام اورشلیم نَو ره که از عالم باله از طرفِ خُدَای مه میَّبَه و امْجُنان نام تَو خود ره. ^{۱۴} هر کسی که گوشِ شِنَوَا دَرَه، گوش بِگیره که روح بَلِدِه جماعتِ های ایماندارا چیزخیل مُوگیه.

بَلِدِه جماعتِ ایماندارای شارِ لائو دیکیه

^{۱۴} بَلِدِه ملایکه جماعتِ ایماندارای لائو دیکیه نوشه کو:

امو که «آمین» گفته موشه، امو شاهید صادق و راستگوی که سرمنشه خلقتِ خُدا آسته، ايني توره ها ره مُوگيه:
^{۱۵} ما از اعمال تو خبر درم؛ تو نه سرد آستي و نه گرم. کشكه يا گرم مُوبودي يا سرد. ^{۱۶} پس، بخاطري که تو دلمل آستي، يعني نه گرم و نه سرد، تو ره از دان خُوتُف مُونم. ^{۱۷} چون تو مُوگي: "ما دَولَتَمَنْدَ أَسْتَمْ وَمَالَوَ-دَولَتَ جَمْ كَدِيمْ وَذَهِيجْ چِيزْ مُحْتَاجْ نِيَسْتَمْ." مگم تو خبر نَدَرِي که بیچاره، مُسْكِين، غَرِيب، کور و لُجْ آستي. ^{۱۸} ما تو ره نصیحت مُونم که طِلَّايِ دَآتَشِ خَالِصِ شُدَهِ ره از مه بِخَرِ تَا دَولَتَمَنْدَ شُنْيِ؛ وَ كَالَّا يِ سَفِيدِ ره بِخَرِ تَا بِپُوشِي و شرمندگي لُچي خُوره بِپُوشَنِي، وَ مَلَمِ ره بِخَرِ تَا دَچِيمَايِ خُوره ملیده بِبِينا شُنْيِ. ^{۱۹} کسای ره که ما دوست درم، اونا ره سرزنش و إصلاح مُونم؛ پس سِرِ غَيرَتِ شُو و تویه کو. ^{۲۰} اينه، ما دَدانِ درگه ایسته شُدَه طَخَ طَخَ مُونم؛ اگه کس آواز مَره بِشَتَوه و درگه ره واز کُنه، ما دَپِيشِ ازُو داخِلِ مُورُم و قد ازُو نان مُوخوره.
^{۲۱} هر کسی که پیروز شُنْه، ما ای حق ره دَزُو مِيدِيم که قد ازمه قتی دَبلِه تَختِ مه بِشِينه، امو رقم که ما پیروز شُدم و قد آته خُوقتی دَبلِه تَختِ ازُو شِشم. ^{۲۲} هر کسی که گوشِ شِنَوا دره، گوش بِگِيره که روح بَلِدِه جماعت های ایماندارا چِيز خیل مُوگیه.

تَختِي که دَ عَالَمِ باله يَه

^۱ بعد ازو چِيزا ما توخ کُدم و دِيدُم که يگ درگه دَ عَالَمِ باله واز آسته و امو آواز ره که دَ اوَّلِ شِينِيده بُودُم که رقم آواز شِپِيور قد ازمه گپ مِيزَد، بسم گفت: "دِينِجي باله بيه و ما چِيزا ره بَلِدِه تُونِشو مِيدِيم که بعد اзи باید واقع شُنْه." ^۲ بِلغه دَ زِيرِ تَايِيرِ روح قرار گِيرَتم و دِيدُم که دَ عَالَمِ باله يگ تَختِ آسته و دَبلِه امزُو تَختِ يَكِگو کس شِشته. ^۳ امو که دَ اوْنجِي شِشِتُد رقم سنگ بِيَشَم و عَقِيقِ نُورَانِي مَعْلُومِ مُوشُد و دَ گِرداگِرد تَختِ يگ رنگِين کمان بُود که رقم زَمرَدَ الَّى دَ نَظَرِ مُوخوره. ^۴ دَ گِرداگِرد تَختِ، بِيَسَت و چار تَختِ دِيگه بُود و دَبلِه امزُو تَختِ ها بِيَسَت و چار بُرگ شِشِتُد که کالاي سفید دَ جان خُو دَاشَت و دَ سِرِ هر کَدَمِ ازوا تاج طِلَّايِي بُود. ^۵ امزُو تَختِ آتِشَك ها و غُرشِ ها و گُرگِدراغ ها بُر مُوشُد. دَپِيشِ رُوي تَختِ هفت چراغ مُوسوخت که هفت روح خُدا آسته. ^۶ امچنان دَپِيشِ رُوي تَختِ يگ چِيز رقم دریا يِ شِيشَه مَعْلُومِ مُوشُد، رقم بِلَور. دَ مِينَكِلِ تَختِ و دَ گِرداگِرد تَختِ چار مَوجُودِ زِنَده

بُود که پُشت و پیش ازوا پُر از چیم بُود. مَوْجُودِ زِنَدَه اول رقم شیر بُود، دومی شی رقم گوسله بُود، سومی شی چهره رقم انسان داشت و چارمی شی رقم بُرْكْجِ پَرَواز کده بُود. ^۵ امُو چار مَوْجُودِ زِنَدَه هر کُدم شی شش بال داشت و گردآگرد و طرف داخل بال ها پُر از چیم بُود. اونا شاو و روز بِدُونِ دَمَرَاسِی مُوْكَفْت:

”قُدُوس، قُدُوس، قُدُوس،“

خُداوند-خُدای قادِرِ مُطْلَق

که بُود و آسته و مییه.“

هر غیتیکه امُو مَوْجُودَاتِ زِنَدَه امُو ره که دَبَلَه تَحْتَ شِيشْتَه داشت و تا آبَدِ زِنَدَه يَه، بُرْكَگِی-و-جلال دَدَه احترام و شُكْر-و-سپاس مُوكَد، ^۶ امُو بیست و چار بُرْكَگِ حُضُورِ امُزو که دَتَحْتَ شِيشْتَه داشت و تا آبَدِ زِنَدَه يَه موْفَتَه و او ره پرستیش مُوكَد؛ اونا تاج های خُوره دَپیشِ رُوی تَحْتَ پورته کده مُوْكَفْت:

”۷ آی خُداوند-خُدای مو، تُو لایق شی ره دَرَی

که جلال و حُرْمَت و قُدرَت پیدا کُنَی،

چُون تُو تمامِ چیزا ره خلق کدی

و دَ خاست-و-إِرَادِه ازْتُو اونا دَ وْجُودَ أَمَدَه وَ آسَتَه.“

طومار و باره

۸ اوخته دِستِ راستِ امُزو که دَبَلَه تَحْتَ شِيشْتَه داشت و قد هفت مُهر، مُهر-و-لاک شُدد. ^۹ و یگ ملایکه قُدرَتَمَند ره دیدم که قد آوازِ بلند اعلان مُوكَد که، ”کی لایق شی ره دَرَه که مُهراي طومار ره کنده او ره واز کنه؟“ ^{۱۰} ولے هیچ کس دَآسمو و یا دَرُوی زمی یا دَزِیرِ زمی نَتَنِیست که امُو طومار ره واز کُنه و مَنِیه شی ره بِنگره. ^{۱۱} و ما زار زار چخرا مُوكَدُم، چُون هیچ کس پیدا نَشَد که لایق واز کدون امُزو طومار مُوبُود و مَنِیه شی ره مِيدِید. ^{۱۲} اوخته یکی امُزو بُرْكَگَا دَز مه گفت: ”چخرا نَکُو! اونه، شیر طایفِه یهودا

که از ریشه داود آسته، پیروز شده تا هفت مهر طومار ره بکنه و او ره واز کنه.

بعد ازو دیدم که دین تخت و چار موجود زنده و دینکل بزرگای یک باره ایسته بود که رقم باره حلال شده بود.^۹
او هفت شاخ و هفت چیم داشت که هفت روح خدا آسته و تمام زمی ری شده.^{۱۰} او آمد و طومار ره از دست راست امزو که دبله تخت ششتند، گرفت.^{۱۱} وختیکه طومار ره گرفت، امو چار موجود زنده و امو بیست و چار بزرگ، د پیش باره روی د خاک افتاد. هر کدم ازوا یگ بریط داشت و جامک های طلایی براز بخور خوشبوی که دعا های مقدسین آسته.^{۱۲} اونا یگ سرود نو میخاند:

”تو لایق شی ره دری که طومار ره بگیری“

و مهراشی ره واز کنی،

چراکه تو حلال شدی

و قد خون خو مردم ره از هر طایفه و زیو و قوم و ملت بلده خدا خریدی

و ازوا بلده خدای مو پادشايو و پيشوايو جور کدی^{۱۳}

و اونا دبله زمی پادشاهی مونه.“

بعد ازو ما تو خ کدم و آواز ملایکه های کلو ره شنیدم که گردانگرد تخت و موجودات زنده و بزرگ ره گرفتند و تعداد ازوا لک ها و هزاران هزار بود.^{۱۴} اونا قد آواز بلند مُوگفت:

”باره که حلال شد لایق شی ره دره“

که قدرت و دولت، حکمت و قوت،

حرمت و جلال داشته بشه و سنايش شنه.“

اونه شنیدم که تمام مخلوقاتی که د آسمو، د روی زمی، د زیر زمی و د دریا آسته و چیزای که د مینه ازوا وجود

ذره، مُوگفت:

سِتایش و خُرمت، جلال و قُدرت

امْزو بَشَه كَه دَبَلَه تَحَت شِيشَه و از باره تا آبَدالْأباد!

و امْو چار مَوْجُود زِنَدَه گُفت: "آمِين!" و امْو بُزُورگا رُوی دَخَاك أُفَشَدَه او ره سَجَدَه کَد.

کندون مُهر ها

۶ اوخته دِیدُم که باره يكى امزُو هفت مُهر ره واز مُونه و شِينيُدم که يكى امزُو چار مَوْجُود زِنَدَه قد آواز رقم گُرگُر دَرَاغ الّى مُوگيه: "بيه!" و دِيدُم که اوته، يگ آسِ سفید مييَه و کسى که دَبَلَه شى سوار بُود، يگ کَمون دَشت. بَلَدِه ازُو يگ تاج دَده شُد و او پِيروز مَنَدانه پِيش رفت تا پِيروز شُنه.

۷ و خَتِيكَه او مُهَرِ دَوْم ره واز کد، شِينيُدم که مَوْجُود زِنَدَه دَوْم مُوگيه: "بيه!" اوخته يگ آسِ دِيگَه که رنگِ آتِشَى دَشت بُرو آمد و بَلَدِه کسى که دَبَلَه شى سوار بُود، قُدرت دَده شُد تا صُلح ره از زَمَى باله کنه تاکه مرُدم يگدِيگَه خُوره بُكُشه. بَلَدِه ازُو يگ شمشيرِ کنه ام دَده شُد.

۸ و خَتِيكَه او مُهَرِ سَوْم ره واز کد، شِينيُدم که مَوْجُود زِنَدَه سَوْم مُوگيه: "بيه!" و دِيدُم که اوته، يگ آسِ سياه مييَه و کسى که دَبَلَه شى سوار بُود، دِست خُويگ تَرازو دَشت. ۹ و از مينكلِ امزُو چار مَوْجُود زِنَدَه، يگ آواز ره شِينيُدم که مُوگفت: "يگ مَنَكِ گَنْدِم مُزَدِ يگ روز کار و سِه مَنَكِ جَو مُزَدِ يگ روز کار و دَ روغُو و شراب ضَرَر نَرسَن."

۱۰ و خَتِيكَه او مُهَرِ چارُم ره واز کد، آوازِ مَوْجُود زِنَدَه چارُم ره شِينيُدم که مُوگيه: "بيه!" و دِيدُم که اوته، يگ آسِ کَبُود مييَه و کسى که دَبَلَه شى سوار بُود «مرگ» نام دَشت و عالمِ مُرَدَه ها از پُشَتَت ازُو مييَمَد. بَلَدِه ازوا قُدرت دَده شُد تا مرُدم يگ چارُم زَمَى ره دَ وسِيله شمشير، قحطى، مَرَضِ وُبا و جانَوارَى درِنَدَه رُوی زَمَى بُكُشه.

۱۱ و خَتِيكَه او مُهَرِ پِنْجُم ره واز کد، دَزِيرِ قُربانگاه جان هَاي کسای ره دِيدُم که بخاطِرِ كلامِ خُدا و بخاطِرِ محکم بُودو دَشاھِدِي که قُبُول کَدَد، کُشته شُدد. ۱۲ اونا قد آوازِ بِلنَد چيغ زَدَه مُوگفت: "آي خُداوند قادرِ مُطلق، قُدوس و بَرَحق، تا کَي قضاوت نَمُونَى و إنتقامِ خُون مو ره از باشِينَدَه هَاي رُوی زَمَى نَمِيگِيرَى؟" ۱۳ اوخته بَلَدِه هر کُدم ازوا

يگ کالاي سفید دده شد و دزوا گفته شد که کم دیگه ام آرام کنه تا تعداد همکارا و براون ازوا که رقم ازوا گشته موشه، پوره شنه.

^{۱۲} و دیدم که او مهير ششم ره واز کد و يگ زلزله قوي رخ دد و آفتو رقم پلاس درشت سياه شد و ماه كاملاً رقم خون الی سرخ شد ^{۱۳} و سیاره های آسمو د زمی ریخت، رقمی که درخت انجیر از باد شدید شور مُخوره و میوه های نارسیده خو ره میبرزنه. ^{۱۴} آسمو رقم يگ طومار پیچنده شده جم شد و هر کوه و جزیره از جای خوبه شد. ^{۱۵} اوخته پادشايون زمی، آدمای نامتو، قومندانا، دولتمندا و قدرتمندا و هر غلام و هر نفر آزاد خود ره دغارها و دیگر قاده های کوه ها تашه کده ^{۱۶} د کوه ها و قاده ها گفت: "د بله مو بفتید و مو ره از چهره امزو که د بله تخت شیشه و از غصه باره تاشه کنید، ^{۱۷} چراکه روز بزرگ غصه ازوا رسیده و کی میتنه که د برابر شی ایسته شنه؟"

يگ صد و چل و چار هزار

^۱ بعد ازو دیدم که چار ملایکه د چار گوشیه زمی ایسته يه، دم روی چار باد زمی ره میگیره تا باد د بله زمی و د بله دریا و د بله هیچ درخت پف نکنه. ^۲ اوخته يگ ملایکه دیگه ره دیدم که از جای آفتو بُر شدو باله میمه و مهير خدای زنده ره قد خو دره. او د امزو چار ملایکه که دزوا قدرت دده شدد تا د زمی و دریا ضرر برسننه، قد آواز بلند گفت: ^۳ "تا زمانی که مو د پیشانه خدمتگارای خدای خو مهير نزدے، د زمی و د دریا و د درختا ضرر نرسینید." ^۴ اوخته تعداد کسای ره که مهير شدد شنیدم: از تمام طایفه های بنی اسرائیل يگ صد و چل و چار هزار نفر مهير شد:

از طایفه یهودا دوازده هزار نفر مهير شد.

از طایفه رئوین دوازده هزار نفر مهير شد.

از طایفه جاد دوازده هزار نفر مهير شد.

از طایفه آشیر دوازده هزار نفر مهير شد.

از طایفه نفتالی دوازده هزار نفر مهير شد.

از طایفه منسی دوازده هزار نفر مهير شد.

از طایفه شمعون دوازده هزار نفر مهير شد.

از طایفه لاوی دوازده هزار نفر مهير شد.

از طایفه یسّاکار دوازده هزار نفر مهر شد.

از طایفه زیولون دوازده هزار نفر مهر شد.^۹

از طایفه یوسف دوازده هزار نفر مهر شد

و از طایفه پنیامین دوازده هزار نفر مهر شد.

گروه کله قد کالاهای سفید

بعد ازی دیدم که اونه، یگ گروه کله که هیچ کس اونا ره حساب کده نمیتنست، از هر ملت و طایفه و قوم و زیو
د پیش روی تخت و د حضور باره ایسته شد؛ د جان ازوا کالای سفید و د دستای ازوا شاخچه های درخت خرما بود
و اونا د آواز بلند چیغ زده مُوگفت:^{۱۰}

”نجات د خُدای مو تعلق دره“

که د بله تخت میشینه و د باره.“

تمام ملایکه ها د گردآگرد تخت و د گردآگرد بزرگا و چار موجود زنده ایسته بود و اونا د پیش تخت روی د خاک
افتد و خدا ره سجده کده ^{۱۲} گفت:^{۱۱}

”آمین!“

سیاست و جلال،

حکمت و شکرگزاری،

حرمت و قوت و قدرت

از خُدای مو باد، تا آبدالاباد. آمین.“

اوخته یکی امزو بزرگا از مه پرسان کده گفت: ”امی سفید پوشان کی آسته و از کجا آمده؟“ ما ذشی گفشم:^{۱۳}

“صاحب، خود شو میدانی! ” اوخته او دز مه گفت: “آمیا کسای آسته که از عذاب سخت خلاص شده و کالای خو ره شُشته و دخون باره سفید کده.^{۱۵} امزی خاطر اونا د پیش رُوی تخت خدا آسته و شاو و روز او ره د خانه شی عِبادت مُونه و امو که د بله تخت ششته، اونا ره د تَخیمه خو جای دده.^{۱۶} اونا دیگه هرگر گُشنه و تُشنه تُموشه و آفتَو اونا ره نَمیزنه و نَه ام کُدم گرمی سخت د بله ازوا میبیه.^{۱۷} چون باره که د مینکل تخت ایسته یه، چوبون ازوا مُوشه و اونا ره سُون چشمِه های آب حیات هدایت مُونه و خدا تمام آویدیده ها ره از چیمای ازوا پاک مُونه.”

مهر هفت

^۱ وختیکه باره مهر هفت ره واز کد، تقریباً نیم ساعت د عالم باله خاموشی برقرار شد.^۲ و ما امو هفت ملایکه ره دیدم که د حضور خدا ایسته یه و دزوا هفت شیپور دده شد.^۳ اوخته یگ ملایکه دیگه آمده د پیش قربانگاه ایسته شد و او یگ آتشدان طلایی دشت. دمزو ملایکه بخور خوشبوی کلو دده شد تا او ره قد دعاها تمام مقدّسین د بله قربانگاه طلایی که د پیش رُوی تخت آسته، تقدیم کنه.^۴ و دود بخور خوشبوی قد دعاها مقدّسین از دست ملایکه د حضور خدا باله رفت.^۵ بعد ازو ملایکه آتشدان ره گرفته از آتش قربانگاه پُر کد و د بله زمی پورته کد. اوخته گرگ دراغ، آواز ها، آتشک ها و زلزله پیدا شد.

هفت شیپور

^۶ پس امو هفت ملایکه که هفت شیپور دشت، آمده شد تا اونا ره د صدا بیره.^۷ اوخته ملایکه اول شیپور ره د صدا اورد و زاله و آتش قد خون قتی تاه آمد و د بله زمی بارید و یگ سوم زمی و یگ سوم درختا و تمام علفای سوز ره سوختند.^۸ و ملایکه دوم شیپور ره د صدا اورد و یکو چیز رقم کوه کته که د آتش موساخت د دریا آندخته شد و یگ سوم دریا د خون تبدیل شد^۹ و یگ سوم زنده جانای دریایی مرد و یگ سوم کشتی ها نابود شد.^{۱۰} ملایکه سوم شیپور ره د صدا اورد و یگ ستاره کته رقم مَشعَل دَر دده شده از آسمو تاه آمد و د بله یگ سوم دریا ها و چشمه های او آفتَد.^{۱۱} نام امزو ستاره آفسنتین بود. یگ سوم آو ها کلو تلخ شد و غدر مردم از خاطر آهای تلخ شده مرد.^{۱۲} ملایکه چارم شیپور ره د صدا اورد و یگ سوم آفتَو و یگ سوم ماهثَو و یگ سوم ستاره ها زده شد، د اندازه که یگ سوم ازوا تریک شد و یگ سوم روز و یگ سوم شاو بے روشنی مَند.^{۱۳} و د حالیکه توخ مُوكدم، شنیدم که یگ بُرگُج د حین پرواز د مینکل آسمو د آواز بلند مُوگیه: “وای، وای، وای د حال باشنده های زمی، بخاطر آواز شیپور های امزو سه ملایکه که اونا د زُودی د صدا میره.”

وختی ملایکه پنجم شیپور ره د صدا آورد، ما یگ سِتاره ره دیدم که از آسمو ذ زمی افتد و کلی چاه بے آخر بلده ازو دده شد.^{۱۰} او دان چاه بے آخر ره واز کد و از چاه یگ دود رقم دود تُور کنه بُر شد و آفتون و هوا د وسیله دود^{۱۱} چاه تیک شد.^{۱۲} و از مینکل دود مَلخ ها د بله زمی آمد و بلده ازوا قدرتی داد شد که رقم قدرت دمکجکای زمی بود.^{۱۳} بلده ازوا گفته شد که د علفای زمی و گیاه های سوز و درختا ضرر نرسنه، بلکه فقط د امزرو مردمما ضرر بررسنه که مهر خدا ره د پیشانی خوندره.^{۱۴} بلده ازوا اجازه کشتن مردمما داد نشد، بلکه دزوا فقط اجازه داد شد که اونا ره مدت پنج ماه عذاب کنه و عذاب ازوا مثل درد-و-سوز نیش دمکجک بود که یگ نفر ره نیش میزنه.^{۱۵} امزرو روزا مردم مرگ طلب مونه، لیکن پیدا نمیته، د آرزوی مردو آسته، ولی مرگ ازوا دوتا مونه.^{۱۶} شکل امزرو مَلخ ها رقم آسپ های بود که بلده جنگ آماده شده بشه. د بله سر ازوا یگ چیز رقم تاج طلایی الی بود و چهره های ازوا رقم چهره انسان.^{۱۷} موی های ازوا رقم موی خاتونو الی و دندونای شی مثل دندونای شیر الی بود.^{۱۸} اونا زره ها رقم زره های آینی داشت و آواز بال های ازوا رقم آواز گاذی های جنگی کلو بود که قد آسپ ها د جنگ مودوه.^{۱۹} اونا رقم دمکجک ها الی دم و نیش داشت و د دم ازوا قدرت بود که مردم ره بلده پنج ماه عذاب کنه.^{۲۰} اونا د بله خو یگ پادشاه داشت که او ملایکه چاه بے آخر بود که د زبون عبرانی نام ازو «آبدون» آسته و د یونانی او ره «اپولیون» مُوگه.^{۲۱} «وای» اوّل تیر شد. اینه، دو «وای» دیگه هنوز مَنده که بعد ازی مییه.

ملایکه ششم شیپور ره د صدا آورد و ما یگ آواز ره از مینکل چار شاخ قربانگاه طلایی که د حضور خدا آسته، شنیدم.^{۲۲} و امو آواز د امزرو ملایکه ششم که شیپور داشت گفت: «امو چار ملایکه ره که د دریای کله فرات د بند آسته، خلاص کو.^{۲۳} پس امو چار ملایکه که بلده امzi ساعت و روز و ماه و سال آماده نگاه شد، خلاص شد تا یگ سوّم بشر ره بکُشه.^{۲۴} تعداد لشکر سواره ازوا دو صد میلیون نفر بود؛ ما تعداد ازوا ره شنیدم.^{۲۵} آسپ ها و سوارای ره که ما د رویای خود دیدم، اینی رقم معلوم مُوشد: زره های ازوا رنگ آتشی و کبود و زرد گوگردی داشت. سر آسپ ها رقم سر شیر الی معلوم مُوشد و از دان ازوا آتش، دود و گوگرد بُر مُوشد.^{۲۶} د وسیله امzi سه بل دینی آتش، دود و گوگرد که از دان ازوا بُر مُوشد، یگ سوّم بشر کُشته شد.^{۲۷} چون قدرت آسپ ها د دان و د ازوا بود؛ دم های ازوا مثل مار های آسته که سر دره و قد ازوا نیش میزنه.^{۲۸} باقی بشر که د وسیله امzi بل ها کُشته نشد، هنوز ام از کارای دست خو توبه نکد و پرستش کدون چنیات و بُت ها ره ایله نکد، پرستش بُت های طلایی، نقره‌یی، برنجی، سنگی و چوبی ره که قدرت دیدو و شنیدو و راه رفتوره نَدشت.^{۲۹} امچنان اونا از آدمکشی و جادوگری و زناکاری و دُزی توبه نکد.

ملایکه و طومارِ ریزگگ

۱۰ اوخته یگ ملایکه قدرتمند دیگه ره دیدم که از آسمو تاه مییه. او قد آور پوشنده شد و دَبَلِه سر شی رنگین کمو بود. چهره ازو رقم آفتوا الی و پایای شی رقم سُئون های آتش بود. او دِست خُو یگ طومارِ ریزگگ واژ شده داشت. او پای راست خُو ره دَدریا و پای چپ خُو ره دَبَلِه زمی ایشت و دَآوازِ بلند رقم غُرشی شیر چیغ زَد و غیتبیکه چیغ زَد، هفت گُرگُر دراغ آواز خُو ره بُر کد. بعد ازو که هفت گُرگُر دراغ آواز خُو ره بُر کد، ما آماده شدم که نوشتنه کُنم، لیکن یگ آواز از عالم باله شنیدم که مُوگفت: "چیزای ره که هفت گُرگُر دراغ گفت مهر کُو و اونا ره نوشتنه نَکُو."

۱۱ اوخته امُو ملایکه ره دیدم که دَبَلِه دریا و زمی ایسته بود. او دِستِ راست خُو ره سُون آسمو باله کد و دَنام امزُر که تا آبدالاباد زنده یه و آسمو ره قد تمام چیزای که دَمَنِه شی آسته و زمی ره قد تمام چیزای که دَمَنِه شی آسته و دریا ره قد تمام چیزای که دَمَنِه شی آسته خلق کده، قسم خورد و گفت: "دیگه طال نَمُخوره، بلکه دَامُر و روزای که ملایکه هفتم شیپور ره دَصدا میره، رازِ خُدا تکمیل مُوشه، امُو رقم که دَخدمتگارای خُو یعنی دَپیغمبرای خبر دَده بُود."

۱۲ اوخته امُو آوازی ره که از عالم باله شنیده بُودم، بسم قد مه گپ زَدَه گفت: "بورو، طومارِ واژ شده ره از دِستِ ملایکه که دَبَلِه دریا و زمی ایسته یه، بِگیر." و ما دَپیشِ ملایکه رفتُم و دَزُو گفتُم که طومارِ ریزگگ ره دَز مه بِدیه. او دَز مه گفت: "ای ره بِگیر و بُخور. ای مَنِه کوره تُو ره تَلخ مُونه، لیکن دَدان تُو رقم عسل وَری شیرین مَزه میدیه." پس طومارِ ریزگگ ره از دِستِ ملایکه گرفته خوردم. او دَدان مه رقم عسل وَری شیرین بُود، مگم وختیکه او ره قُورت کدم، مَنِه کوره مه تَلخ شد. اوخته دَز مه گفت: "تُو باید بسم دَباره قَوم ها، مِلت ها، زیونا و پادشاهیون کلو پیشگویی کنی."

دو شاهِ خُدا

۱۳ بعد ازو بلدِه مه یگ نَی دَده شد که رقم چیو اندازه گیری بُود و دَز مه گفته شد: "باله شُو و خانه خُدا و قربانگاه ره اندازه بِگیر و تعدادِ کسای ره که دَأونجی عبادت مُونه حساب کُو. لیکن حولی بُرون خانه خُدا ره ایله بِدی و او ره اندازه نَگیر، چراکه او بلدِه مِلت ها دَده شد و اونا بلدِه چل و دُو ماه شارِ مُقدس ره پایمال مُونه. و ما

دَ دُ شاھِدْ خُو که کالای پلاسی پوشیده، قُدرت-و-اختیار میدیم که مُدَتِ يگ هزار و دُو صد و شصت روز تَبُوت کُنه.^{۱۴} آمیا دُ درختِ زَيَّشون و دُو چراغدان آسته که دَ حُضُورِ خُداوندِ عالم ایسته مُوشه.^{۱۵} اگه کُدم کس بخایه که دَزوا ضَرَر بِرسَنَه، آتش از دانِ ازوا بُر مُوشه و دُشمنای ازوا ره قُورت مُونه؛ و هر کسی که قَصَدْ کُنه دَزوا ضَرَر بِرسَنَه باید امی رقم کُشته شُنَه.^{۱۶} آمیا قُدرت-و-اختیار دَرَه که آسمو ره بَند کُنه تا دَ دورون روزای که نَبَوت مُونه بارش نَباره. امچنان امیا دَ بَلَه آو ها قُدرت-و-اختیار دَرَه که اُونا ره دَ خُون تَبَدِيل کُنه و هر غَيْتِیکه بخایه، زمی ره دَ هر رقم بَلَه گِرفتار کُنه.

^{۱۷} و زمانی که اُونا شاھِدِی دَدون خُو ره خلاص کُنه، «جانَّر وَحشی» که از چاه بَیْ آخر بُر مُوشه قد ازوا جنگ مُونه و دَ بَلَه ازوا پیروز مُوشه و اُونا ره مُوكُشه. ^{۱۸} جَسَدْ های ازوا دَ سَرَکِ عُمُومی شارِ کَلَه پورته مُوشه که بطَرْ کِنایه «سَدُوم» و «مِصر» گفتَه شُدَه، دَ امزُو جای که مَولَای ازوا ام دَ صَلِيب میخکوب شُد.^{۱۹} مُدَتِ سِه و نیم روز مردُما از هر قَوْم و طایفه و زِیو و مِلَّت جَسَدَای ازوا ره توخ مُونه و اجازه نَمیَدیه که اُونا دَ قبر ایشته شُنَه.^{۲۰} باشنده های رُوی زمی بخاطِر ازوا خوشی مُونه و جشن گِرفتَه دَ یگدِیگه خُو تُحَفَه زَبَی مُونه، چراکه امی دُو پیغمبر باشنده های رُوی زمی ره دَ عذاب کُدد.^{۲۱} لیکن بعد از سِه و نیم روز، روح حیات از جانبِ خُدا دَ جَسَدْ های ازوا دَرَامَد و اُونا سرِ پایای خُو ایسته شُد و کسای که اُونا ره دید، سخت ترس خورد.^{۲۲} اوخته اُونا از عالم باله یگ آوازِ بَلَند ره شِنید که دَزوا گُفت: «دَ اینجی باله بَیید.» و دَ حالِیکه دُشمنای ازوا توخ مُوكد اُونا دَ آور سُون آسمو باله رفت.^{۲۳} دَ امزُو ساعت یگ زلزله قَوی رُخ دَ که دَهُم حصَّه شارِ تباہ شُد و هفت هزار نفر دَ امزُو زلزله از بَین رفت و کسای که باقی مَنَدَد، ترس خورده خُدَای آسمو ره حمد-و-ثنا گُفت.^{۲۴} «وای» دَوَم تیر شُد؛ اینه، «وای» سِوم دَ زُودی میبیه.

شیپُورِ هفتُم

^{۱۵} وختیکه ملایکه هفتم شیپُور ره دَ صَدا اُورَد، آواز های بَلَند دَ آسمو شِنیده شُد که مُوگُفت: «پادشاهی دُنیا از خُداوند مو و از مسیح ازو شُد و او تا آبدالاً باد پادشاهی مُونه.»^{۱۶} و امو بیست و چار بُزرگ که دَ حُضُورِ خُدا دَ بَلَه تَخَت های خُو شِشْتَد، رُوی دَ خاک افتَدَه خُدا ره پَرَسِتِش کد^{۱۷} و گُفت:

«تو ره شُکر-و-سِپاس مُوگی ای خُداوند-خُدَای قادرِ مُطلق که آستَی و بُودَی،

چراکه تُو قُدرتِ بُزرگ خُو ره دَ دِست گِرفتَے و دَ پادشاهی کدو شروع کدَے.

۱۸ مِلَّتْ هَا قَارْشُدْ وَ غَضَبْ ازْتُوْ أَمَدْ.

آلی زمانی رَسِیده که مُرده ها ره قضاوت کُنی

و د خدمتگارای خو يعني د پيغمبر

و د مُقدَّسین و د کسای که از نام تُو میترسه،

چی ریزہ و چی کٹھ، اجر بدی

و کسای که زمی ره تباه مُونه، اُونا ره نابُود کُنی. ”

^{١٩} اوخته خانه حُدَا دَ عالِم باله واز شُد و صندوقِ عهِد حُدَا دَ مَنِه خانه شی دیده شُد و دَ اونجى آتِشَك، آواز ها،
گُرگُردراغ، زِلِله و زالِه شَدید رُخ دَد.

خاتُو و آژدار

۱۲ بعد ازو يگ علامت بُرگ د آسمو ظاهر شد: يگ خاتو قد آفتو پوشنده شدد و ماهتو د زير پايای شي بود و د سر خويگ تاج ازدوازده ستاره دشت. او شِکامش بود و از درد زيد و عذاب اولاد پيدا کدو ناله-وفرياد موكد. بعد ازو يگ علامت دیگه د آسمو دیده شد: د اونجى يگ آزادار كيله سرخ رنگ بود که هفت سر و د شاخ دشت و د بله هفت سر شى هفت تاج بود، و دم ازو يگ سوم ستاره هاي آسمو ره جم کد و د زمى پورته کد. اوخته آزادار د پيش روى امزوه خاتون که د حال زيد بود، ايسته شدتتا امي که باچه ازو پيدا شنه، باچه شى ره قورت کنه. اوخته امو خاتو يگ باچه زيد که او قد تياق آينى د بله تمام ملت ها حکمرانى مونه؛ و باچه ازو د حضور خدا و تخت شى بوده شد. خود خاتو د ببابو دوتا کد، ذيگ جاي که از طرف خدا بتلده شي آماده شدد تا مدت يگ هزار و دو صد و شصت روز د اونجى ازو نگاهداري شنه.

^۷ اوخته د آسمو جنگ دَر گِرفت. مِيكائيل و ملاليكه های شی قد آژدار جنگ کد و آژدار و ملاليكه های ازو ام قد ازوا جنگ کد. ^۸ ليکن آژدار نَبِنست پيروز شُنه و دِيگه بَلده ازوا د آسمو جاي نَمند. آژدار كَنه تاه پورته شُد، آرے امو مارِ قدِيمى كه نام شى إيليس و شيطو أَسته و تمام دُنيا ره گُمراه مُونه، د زمى پورته شُد و ملاليكه های ازو قد

شی قتی پورته شد.

^{١٠} اوخته يگ آوازِ بلند ره از آسمو شنیدم که مُوگفت:

”آلی نجات و قوت و پادشاهی خُدای مو

و قدرتِ مسیح اُزو بَرَملا شد،

چون مُدعی بِرارون مو

که شاو و روز د حُضورِ خُدا د بِله ازوا تُهمت مُوكد،

تاه پورته شد.

^{١١} اُونا د وسیله خونِ باره

و د وسیله توره شاهدی خُو د بِله اُزو پیروز شد،

چون اُونا زِندگی خُو ره د اندازه دوست نَدشت که از مرگ بِترسه.

^{١٢} پس آی آسمونا و باشنده های شی،

خوشی کُنید!

لیکن واي د حال شُمو، آی زمی و دریا،

چراکه إبليس قد خشم-و-قار کلو د بِله شُمو تاه آمد،

چون او میدانه که وخت شی کم آسته.”

^{١٣} وختی آزادار دید که د زمی پورته شده، او پُشتِ امزُو خاتُو ره گرفت که باچه زیدد. ^{١٤} لیکن بِله خاتُو دُو بالِ بُرگِ

کنه دده شد تا امزو جای که بیابو بلده شی آماده شد، پرواز کنه، جایی که بلده یگ زمان و زمان ها و نیم زمان، دور از نظر مار از شی نگاهداری موشه.^{۱۵} اوخته مار از پشت خاتو، از دان خو رقم دریا آو ایله کد تا سیل شی او ره گرفته ببره.^{۱۶} مگم زمی دخاتو کومک کده دان خو ره واز کد و دریای ره که آژدار از دان خو ایله کدد، قورت کد.^{۱۷} اوخته آژدار دبله خاتو قار شد و رفت تا قد آولادای باقی مندی شی جنگ کنه که احکام خدا ره جای میره و شاهدی عیسی ره محکم میگیره.^{۱۸} پس آژدار دبله ریگ دریا ایسته شد.

جانور وحشی دریا

^{۱۳} اوخته دیدم که جانور وحشی از دریا بُر موشه. او ده شاخ و هفت سر داشت که دبله شاخای شی ده تاج بود و دبله سر های شی نام های کفرآمیز نوشه شد.^۲ امو جانور وحشی ره که دیدم رقم پلنگ بود و پایای شی رقم پایای خرس و دان شی رقم دان شیر. آژدار قدرت و تخت و اختیارات کلون خو ره دزرو دد.^۳ یکی از سر های ازو رقمی معلوم موشد که زخم کشنده خورده بشه، ولے امو زخم کشنده شی جور شد. تمام دنیا حیر و مند و از پشت امزو جانور وحشی مورفت.^۴ مردم امو آژدار ره که اختیارات خو ره دانور وحشی دده بود پرسیش کد و اونا امو جانور وحشی ره ام پرسیش کد و گفت: "کی مثل امزی جانور وحشی استه؟ کی میتنه دضی ازی جنگ کنه؟"^۵ بلده ازو یگ دان دده شد که توره های پُرکبر و کفرآمیز بُگیه و بلده ازو اجازه دده شد که مدت چل و دو ماہ از اختیارات خو استفاده کنه.^۶ او دان خو ره دکفرگویی واز کد تا دضی خدا، نام شی، جایگاه شی و تمام موجودات که د عالم باله استه کفر بُگیه.^۷ بلده ازو اجازه دده شد که قد مقدّسین جنگ کنه و دبله ازوا زور شنه و بلده ازو دبله هر طایفه و قوم و زیو و ملت اختیار دده شد.^۸ و ما دیدم که تمام باشنده های روی زمی امو جانور وحشی ره پرسیش مونه، تمام کسای که نام ازوا د شروع پیدایش عالم د کتاب حیات باره نوشه شد، یعنی د کتاب حیات باره که حلال شد.^۹ هر کس که گوش شنوا دره، گوش بگیره:

اگه قرار بشه که کدم کس د اسیری بوره،^{۱۰}

او د اسیری موره؛

اگه قرار بشه که کدم کس قد شمشیر کشته شنه،

او قد شمشیر کشته موشه.

امینجی صَبَرْ-وَحُصِّلَه و ایمانِ مُقَدَّسِین ڈَکار آسته.

جانَوَرِ وَحشَى دُوم

^{۱۱} اوخته یگ جانَوَرِ وَحشَى دِیگَه ره دِیدُم که از زَمِى بُرْ مُوشَه. او رقِم باره الَّى دُوشَخ دَشَت و رقمِ آژدار توره مُوكَفَت. ^{۱۲} او تمامِ اختیاراتِ جانَوَرِ وَحشَى اوَّل ره دَحُضُور شَى ڈَکار مُوبُرد و زَمِى و باشِنَدَه هَای شَى ره وادار مُوكَد که جانَوَرِ وَحشَى اوَّل ره پَرَسِتِش کُنَه، امُو ره که زَخَمِ کُشِنَدَه شَى جور شُدد. ^{۱۳} او مُعْجَزَه هَای بُرْگِ نِشو مِيدَد، حتَّى ڈَپِيشِ نظرِ مرْدُم آتِش ره از آسمو دَزَمِى بارَند. ^{۱۴} او باشِنَدَه هَای رُوي زَمِى ره دَوسِيلَه مُعْجَزَه هَای گُمراَه کد که بَلِدَه ازُو إجازَه دَدَه شُدد تا دَحُضُور جانَوَرِ وَحشَى اوَّل نِشو بِديه. او امي کار ره کده دَزوا گفت که يگ مُجَسِّمه جور کُنَه، مُجَسِّمه امزُو جانَوَرِ وَحشَى ره که دَوسِيلَه شمشير زَخَمِي شُدد، ولَى هنوز زِنَدَه بُود. ^{۱۵} دَجانَوَرِ دُومِ إجازَه دَدَه شُدد که دَمُجَسِّمه جانَوَرِ وَحشَى دَمِ بِديه تا مُجَسِّمه امزُو جانَوَرِ بُكَيَه و تمامِ کسَايِ ره که مُجَسِّمه جانَوَرِ وَحشَى اوَّل ره پَرَسِتِش نِموَكَد، بُكَشَه. ^{۱۶} امچَنان اوَّل پَكَه ره وادار کد، ريزَه و كَنه، دَولَتمَند و غَرِيب، غُلام و آزاد ره که دَبَلِه دِستِ راست يا ڈَپِيشَانِه ازوا نشانِ ايشَته شُنَه ^{۱۷} تا هيچ کس نَشَته که خَرِيد و فروش کُنَه، بغَير از کسَايِ که نشانِ دَره، يعني نامِ يا عَدَدِ نامِ امزُو جانَوَرِ وَحشَى ره دَره.

^{۱۸} دَإينجِي حِكمَت ڈَکار آسته: هر کس که دانَابِي-وَبيَانِابِي دَره، عَدَدِ جانَوَرِ وَحشَى ره حِسابِ کُنَه، چُونِ إِي عَدَدِ يگ آدم آسته و عَدَدِ شَى شَشِ صَد و شَصَت و شَش آسته.

باره دَبَلِه کوهِ صَهِيون

^{۱۹} بعد ازُو دِيدُم که اونَه، باره دَبَلِه کوهِ صَهِيون ايشَته يه و قد ازُو قَتَى يگ صَد و چَل و چار هزار نفرِ دِيگَه ام بُود که نامِ باره و نامِ آتِه شَى دَبَلِه پِيشَانِي ازوا نوِشَته بُود. ^{۲۰} اوخته ما يگ آواز ره از آسمو شِنِيدُم که رقمِ آوازِ آوازِ هَای کَلو و مثلِ آوازِ گُرْگُرْدَرَاغِ قَوَى بُود. امُو آواز ره که شِنِيدُم رقمِ آوازِ بُود که بَرِيطَنَوازا آوازِ بَرِيطَ خُوره بُرْ کُنَه. ^{۲۱} اونَا ڈَپِيشِ رُوي تَحت و دَحُضُورِ چار مَوْجُودِ زِنَدَه و بُرْگِ سُرُودِ نَوْ مِيَخَانَد و هيچ کس نَتِنِيسَت امُو سُرُود ره يادِ بِكِيرَه، بغَير از امزُو يگ صَد و چَل و چار هزار نفر که از زَمِى باز خَرِيد شُدد. ^{۲۲} اميَا کسَايِ آسته که قد خاتُونِ يكَجَائِ نَشَده، چُونِ پاكِدامُو آسته. اميَا هر جَائِي که باره بوره، از پُشتِ شَى موره. اميَا از مينَكِلِ إِنسانِ هَا بِحيَثِ اولبارِي بَلِدَه خُدا و باره باز خَرِيد شُدد. ^{۲۳} دَدانِ ازوا هيچ دروغِ پَيَدا نَشَدَ، چراکه اونَا بَيَعِ آسته.

^۹ اوخته يگ ملایکه دیگه ره دیدم که د مینکل آسمو پرواز مُوكد و خوشخبری آبدی ره قد خو دشت تا او ره بلده کسای اعلان کنه که د روی زمی زندگی مونه، یعنی بلده هر ملت و طایفه و زیو و قوم.^{۱۰} او د آواز بلند گفت: "خدا بترسید و او ره سِتایش کنید، چون ساعت شی رسیده که او قضاوت کنه. امو که آسمو و زمی و دریا و چشمهاي آو ره پیدا کده، او ره پرستش کنید!"

^{۱۱} د امزو غیت يگ ملایکه دیگه یعنی ملایکه دومنی از پشت ازو آمده گفت: "سقوط کد، بابل بزرگ سقوط کد! امو شار که پگ ملت ها ره وادر کد تا از شراب دیونه کننده زناکاری ازو وچی کنه سقوط کد."^{۱۲} اوخته ملایکه سومی، از پشت ازوا آمده د آواز بلند گفت: "هر کسی که جانور وحشی یا مجسمه ازو ره پرستش کنه یا نشان ازو ره د بله پیشانه یا د بله دست خو قبول کنه،^{۱۳} او ام از شراب غصب خدا که خالص آسته و د بله حشم-و-قار خدا شیو شده، وچی مونه. او قد آتش و گوگرد د حضور ملایکه های مقدس و د حضور باره عذاب موشه^{۱۴} و دود عذاب ازوا تا آبدالآباد باله موره. کسای که جانور وحشی و مجسمه ازو ره پرستش مونه یا نشان نام ازو ره قبول مونه، اونا شاو و روز آرامش ندره.^{۱۵} د اینجی صبر-و-حواله مقدسین د کار آسته که احکام خدا ره د جای میره و ایمان خو ره د عیسی نگاه مونه.

^{۱۶} اوخته يگ آواز ره از آسمو شنیدم که گفت: "نوشته کو: نیک د بخت امزو کسای که بعد ازی د راه مولا مومره." و روح موگیه: "آر، اونا از زحمتای خو آرام موشه، چون اعمال ازوا اونا ره دمبال مونه."

شروع کار دروگرا

^{۱۷} د امزو غیت دیدم که اونه، يگ آور سفید پیدا شد و د بله ازو يگ کس رقم «باچه انسان» شیشتد که يگ تاج طلایی د سر خو و يگ داس تیز دست خو دشت.^{۱۸} اوخته يگ ملایکه دیگه از خانه خدا برو آمده د آواز بلند د امزو کسی که د بله آور شیشتد، گفت: "داس خو ره بدون و درو کو، چون فصل درو رسیده و حاصل زمی پخته شده." ^{۱۹} پس امو کسی که د بله آور شیشتد، داس خو ره د بله زمی دوند و حاصل زمی درو شد. بعد ازو يگ ملایکه دیگه از خانه خدا که د عالم باله آسته، برو آمد و او ام يگ داس تیز دشت.^{۲۰} د امزو غیت يگ ملایکه دیگه از قربانگاه آمد که د بله آتش اختیار دشت و د آواز بلند د صاحب داس تیز گفت: "داس تیز خو ره بدون و خوشه های انگور ره از تاگ زمی جم کو، چراکه انگورای شی پخته شده." ^{۲۱} پس امو ملایکه داس خو ره د بله

زمی دَوَند و انگورای زمی ره جم کده ڏ چرخشت کنه غَصَبِ خُدا آندخت.^٢ اونا ڏ مَنِه چرخشتی که بُرو از شار بُود، قد پای لغه شُد و خُون از چرخشت جاری شُدہ تا ٻلندي قَيِّضه دان آسپ ڏ اندازِ شونزدھ صد دَوره إستدیم رَبی شُد.

هفت ملایکه و هفت بَلَاء

۱۵ بعد اُزو یگ علامتِ بُزرگ و عَجِيبِ دِیگه ره ڏ عالم باله دِیدم: هفت ملایکه بُود که هفت بَلَاء داشت که اونا بَلَاء های آخری بُود، چون قد امزوا غَصَبِ خُدا تکمیل شُد.^٣ اوخته یگ چیز ره دِیدم که رقم دریای شیشه که آتش خورده بشه، معلوم مُوشد و کسای که ڏ بَلَه جانور وحشی و مُجسمِه شی و ڏ بَلَه عَدَدِ نام اُزو پیروز شُدد، ڏ بَلَه دریای شیشه ایسته بُود و بَرِبط های خُدا ڏ دستای ازوا بُود. و اونا سُرُود مُوسی خدمتگار خُدا و سُرُود باره ره میخاند و مُوگفت:

”کارای ٿو بُزرگ و عَجِيبِ آسته،

آی خُداوند-خُدای قادرِ مُطلق!

راه های ٿو عادِلانه و حق آسته،

آی پادشاهِ مِلت ها.

۳ آی خُداوند، کی آسته که از ٿو نَترسه

و ڏ نام ٿو حمد-و-ثنا نَگُیه؟

چون تنها ٿو مُقدَّس آستني

و تمامِ مِلت ها میمه

و ڏ حُضور ٿو پَرسِتِش مُونه،

چراکه کارای عادِلانه ٿو بَرَمَلا شُدہ.“

بعد ازی دیدم که مُقدَّسِرِین جای جایگاهِ صندوقِ شهادت دَ عالم باله واز شد^۵ و از مُقدَّسِرِین جای، هفت ملایکه قد هفت بَلَه بُرو آمد.^۶ اوخته یکی امزو چار مَوْجُود زنده، دَ امزو هفت ملایکه هفت پیله طِلَّایی دَ د که پُر از غَصَب خُدای بُود که تا آبَدالآباد زنده یه.^۷ مُقدَّسِرِین جای از دُودِ بُزْرگی-و-جلالِ خُدا و از قُدرتِ اُزو پُر شد و هیچ کس دَ مُقدَّسِرِین جای دَ رَأْمَدَه نَتَبَسَّت تا غَيْتِیکه هفت بَلَه امزو هفت ملایکه تکمیل شد.

هفت پیله غَصَبِ خُدا

۱۶ اوخته یگ آوازِ بلند ره از مُقدَّسِرِین جای شِنِیدم که دَ امزو هفت ملایکه مُوگُفت: "بورید و امو هفت پیله غَصَبِ خُدا ره دَ بَلَه زمی شیو گُنید.^۸" پس ملایکه اوّلی رفته پیله خُوره دَ بَلَه زمی شیو کد و دانه های بَدرنگ و دَردنگ دَ جانِ مردمای بُر شد که نشانِ جانور وَحشی ره دَ جِسم خُور داشت و مُجَسِّمه اُزو ره پَرَسِتِش مُوكد.^۹ بعد ازِ ملایکه دوم پیله خُوره دَ دریا شیو کد و دریا رقمِ خُونِ مُرده جور شد و تمامِ زِنده‌جانای که دَ دریا بُود، مُرد.^{۱۰} بعد ازِ ملایکه سِوم پیله خُوره دَ دریاچه ها و چشمِ های آو شیو کد و اُونا خُون جور شد.^{۱۱} اوخته از ملایکه که نِگاهوانِ آو ها آسته شِنِیدم که مُوگُفت:

"تُو عَادِلَ أَسْتِي، أَيْ قُدُّوسَ كَه أَسْتِي و بُودَي،"

چون امی رقم قضاوت کدی؛

"ازی که اُونا خُون مُقدَّسِین و پیغمبر ره ریختند،

"تُو بَلَدِه ازوا خُون دَدی تا وُچی کُنه، چون اُونا سَرَوار شی بُود."

و شِنِیدم که از قُربانگاه جواب آمده گُفت:

"آرَه، أَيْ خُداوند-خُدای قادرِ مُطلق،"

قضايا های تُو بَرَحق و عَادِلَانَه آسته."

بعد ازِ ملایکه چارم پیله خُوره دَ بَلَه آفتَو شیو کد و دَ آفتَو قُدرت دَده شد که مردم ره قد آیش خُو بُسوَنَه.^{۱۲}

^٩ مردم از شِدَّتِ گرمی سوخت و دَنَامِ خُدای که دَبَلَه امزي بَلا ها قُدرتَ دَرَه، کُفرگویی کد و اُونا توبه نَکَد و خُدَا ره سِتایش نَکَد. ^{١٠} بعد اُزو ملایکه پنجم پیله خُوره دَبَلَه تختِ جانورِ وَحشی شیو کد و پادشاهی اُزو دَتِریکی غَرق شُد. مردم‌ها از دَرَد-و-رَنج زِيونای خُوره میخَیید ^{١١} و بخاطرِ دَرَه و دانه‌های خُود خُدای آسمو کُفر مُوگفت و از کارای خُوتوبه نَمُوكد.

^{١٢} بعد اُزو ملایکه شَشم پیله خُوره دَبَلَه دریای کَلَه فَرات شیو کد و آوِ اُزو خُشک شُد تا راه بَلدَه پادشايونِ مشرق آماده شُنَه. ^{١٣} اوخته دیدم که از دانِ آژدار و از دانِ جانورِ وَحشی و از دانِ پیغمبرِ دروغی سِه ارواح ناپاک رقم قوقری بُرو میبیه. ^{١٤} اُونا ارواحِ جنیات آسته که مُعجزه‌ها نِشو مِیدیه و دَپیشِ پادشايونِ تمامِ دُنیا موره تا اُونا ره بَلدَه جنگِ روزِ بُزرگِ خُدای قادرِ مُطلقِ جَم کُنه. ^{١٥} - "اینه، ما رقم دُز میمیم! نیک دَبَختِ کسی که بیدار مُومنه و کالا دَ جان خُوره؛ نَشنه که او لُج راه بوره و مردم شرمگاهِ اُزو ره بِنگره." - ^{١٦} پس امُوسِه ارواح ناپاک، پادشايو ره دَیگ جای که دَ زِبونِ عبرانی «هار مَكْيِدون» مُوگیه، جم کد.

^{١٧} بعد اُزو ملایکه هفتم پیله خُوره دَهوا شیو کد و یگ آوازِ بلند از مُقدَّسَتَین جای، از تَختِ بُرْ شُدَه گُفت: "خلاص شُد." ^{١٨} اوخته آتشک‌ها، آواز‌ها و گُرگُرداخ‌ها پَیدا شُد و یگ زِلزله قَوی رُخ دَد، رقمیکه از پیدایشِ انسان دَ رُوی زمی امي رقم زِلزله قَوی و شَدید واقع نَشَد. ^{١٩} شارِ بُزرگ دَسِه حِصَه تقسیم شُد و شارای مِلت‌ها بیرو شُد. خُدا بابلِ بُزرگ ره یاد کد و جامِ شرابِ غَصَب خُوره دَزُو دَد. ^{٢٠} و تمامِ جزیره‌ها گُم شُد و کوه‌ها پَیدا نَشَد. ^{٢١} از آسمو زاله‌های کته دَ اندازه شَش سیر دَبَلَه مردم بارید و مردم بخاطرِ امزی زاله‌ها دَ خُدا کُفر مُوگفت، چراکه امي بَلا کَلو سخت بُود.

فاحِشِه کَلَه

^١ اوخته امُزو هفت ملایکه که هفت پیله داشت، یگ شی آمده دَز مه گُفت: "بِه که جزای امُزو فاحِشِه کته ره که دَبَلَه آوهای کَلو شِسته، دَز تُو نِشو بِدیم. ^٢ پادشايونِ دُنیا قد اُزو زنا کد و باشِنده‌های رُوی زمی از شرابِ زِنای اُزو نِشه شُد." ^٣ پس امُو ملایکه مَرَه دَ روح دَیگ بیابو بُرد و دَأونجی یگ خاتُو ره دیدم که دَبَلَه جانورِ وَحشی سُرخ رنگ سوار شُدد که جِسَمِ جانور پُر از نام‌های کُفرآمیز بُود و هفت سر و دَه شاخ داشت. ^٤ امُو خاتُو کالای اَرْغَوانی و سُرخ رنگ دَ جان خُوره داشت و قد طِلّا و دانه‌های قیمتی و مُرواری‌ها مُزَین شُدد. اُو دَ دِست خُو یگ پیله طِلّایی داشت که پُر از بدکاری و نِجاستِ زِنای شی بُود. ^٥ دَبَلَه پیشانه اُزو اینی نام نوشتَه بُود که یگ راز

آسته: «بابل بُرگ، آبه فاحشة‌ها و نجاست زمی.»^۶ و ما دیدم که امو خاتو از حون مقدسین و از حون شاهدای عیسی نشه بود و ما از دیدون ازو بے اندازه حیرو شدم.^۷ لیکن امو ملایکه دز مه گفت: «چرا حیرو شد؟ ما راز خاتو و راز امزو جانور وحشی ره که هفت سر و ده شاخ دره و خاتو ره دَبِله خو موبره دَتُو بیان موم.»^۸ امو جانور وحشی ره که دیدی، یگ زمان بود، مگم آلی نییه؛ او دزودی از چاه بے آخر بُر موش و سُون نابودی خو موره. باشنده‌های رُوی زمی که نام‌های شی از شروع پیدایش عالم دَکِتاب حیات نوشتہ نشده، از دیدون امزی جانور وحشی حیرو موش، چراکه او یگ زمان بود، و آلی نییه ولے د آینده مییه.

د اینجی ذهنی د کار آسته که حکمت دشته بشه: امو هفت سر، هفت تپه آسته که خاتو دَبِله شی شیشته. اونا امچنان هفت پادشاه آسته^۹ که پنج ازوا سقوط کده؛ یگ شی آسته و دیگه شی هنوز نمده و غیتیکه بییه، او باید بدلده یگ مدت کم بمنه.^{۱۰} امو جانور وحشی که یگ زمان بود و آلی نییه، او پادشاه هشتم آسته و د امزو هفت تعلق دره و سُون نابودی خو موره.^{۱۱} و امو ده شاخ ره که دیدی، اونا ده پادشاه آسته که هنوز د پادشاهی نرسیده، لیکن بدلده ازوا اختریار دده موش که مدت یگ ساعت قد جانور وحشی قتی پادشاهی کنه.^{۱۲} امیا یگ مقصد دره و قدرت و اختیار خو ره د جانور وحشی میدیه.^{۱۳} اونا د ضد باره جنگ مونه، لیکن باره دَبِله ازوا پیروز موش، چراکه او رب-الارباب و شاه شاهان آسته و کسای که قد ازو قتی آسته کوی شده‌ها و انتخاب شده‌ها و وفادار آسته.^{۱۴}

بعد ازو ملایکه دز مه گفت: «امو آها ره که دیدی، جای ره که فاحشہ شیشته، اونا قوم‌ها، جماعت‌ها، ملت‌ها و زیونا آسته.^{۱۵} و امو ده شاخ و جانور وحشی ره که دیدی، اونا از فاحشہ بدیر موش و او ره بیرو کده لُچ-ولَق ایله مونه؛ اونا گوشت ازو ره مُوخره و او ره د آتش موسوئنه.^{۱۶} چون خُدا ای ره د دل‌های ازوا قرار دده که مقصد ازو ره پُوره کنه و إتفاق کده پادشاهی خو ره د جانور وحشی تسليم کنه تا کلام خُدا پُوره شنه.^{۱۷} و امو خاتو ره که دیدی، او شار بُرگ آسته که دَبِله پادشايون زمی حکمرانی مونه.^{۱۸}

سُقطِ شارِ بابل

۱۸ بعد ازو یگ ملایکه دیگه ره دیدم که از آسمو تاه مییه. او قدرت-و-اختیار کلو دشت و زمی از شکوه-و-جلال شی روشو شد.^{۱۹} او د آوازِ بلند چیغ زده گفت:

”سُقُوط کد، بابُل بُزُرگ سُقُوط کد!

اُو جای بُود-و-باش چنیات جور شُده،

پناهگاهِ هر روح ناپاک

و پناهگاهِ هر مُرَغَکِ ناپاک و نَفَرَت آنگیز.

^۳ چون پگِ مِلت ها از شرابِ دیونه کُننِدِ زِناکاری ازو وُچی کده

و پادشايونِ دُنیا قد ازو زِنا کده

و تُجارتی دُنیا از عیاشی کلونِ ازو دولتمَند شده.”

اوخته يك آوازِ دیگه ره از آسمو شِنیدم که مُوكفت: ”آی قوم مه، از مَنِه ازو بُر شنید، نَسْنَه که دَگُناه های ازو شرِیک شِنید و بلاهای شی دَبِله از شُمُو بیبه، چراکه گُناه های ازو تا آسمو رسیده و خُدا شرارَت های شی ره دَياد خُو آوردَه.^۴ چیزی ره که او دَده، بَلِه شی پس بِدید و مُطابِق اعمال ازو دُوچند شی ره دَزو پس بِدید. دَجامی که او گَث کده، دُو برابر بَلِه شی گَث کَنید.^۵ دَاندازِه که او خود خُو ره شان-و-شَوَّکَت دَد و عیاشی کد، دَامُزو اندازه او ره عذاب و غَم بِدید، چراکه دِل خُو مُوگیه: ”ما مِثْل مَلِکَه شِشْتُم و بیوه نییم و هرگز غَم نَمینگرم.^۶ پس بلاهای ازو دَيگ روز دَبِله ازو میيه، يعني مرگ و ماتم و قحطی؛ و او دَآتش مُوسوزه، چون خُداوند-خُدادی که او ره قضاوت مُونه، قُدرتمَند استه.

^۷ پادشايونِ زمی که قد شی زِنا کده و قد ازو دَعیاشی زِندگی کده، وختی دُود سوختون ازو ره بِنگره، دَحال ازو چخرا و ماتم مُونه.^۸ اُونا از ترسِ عذاب ازو دُور ایسته شُده، مُوگیه:

’واي، واي، آي شارِ بُزُرگ! آي بابُل، آي شارِ زورُتو،

که دَيگ ساعت جَزای تُو دَبِله تُو آمند!^۹

^{۱۰} تُجارتی دُنیا بَلِه ازو چخرا و ماتم مُونه، چراکه دیگه هیچ کس مال-و-أسبابِ ازوا ره نَمیخَره، نَه طِلَّا و نُقره و

سنگای قِیَمَتی و مُرواری های ازوا ره؛ نه کتان نَرَم و رَخْتِ آرْغَوَانِی و آبِریشُم و رَخْتِ سُرخ رَنگِ ازوا ره؛ نه هر رقم
چیو های خوشبُوی و رقم رقم چیزای صَدَفی و هر رقم چیزای چیو قِیَمَتی، بِرِنْجِی، آینی و سنگِ مرمری ازوا ره؛
^{۱۳} نه دارچینی و مَسَالِه دیگ و عَطَرِ ها و مُر و كُنْدِرِ ازوا ره؛ نه شراب و روغنِ زَبَّتُون و بِهَتِرِین آرد و كَنْدِم ازوا ره؛
نه گاو و گَوسِپو و أَسَپِ ها و گَادِی های ازوا ره و نه جِسمِ ها و جان های إنسان ها ره.^{۱۴} اُونا دَزْوِ مُوگِیه: 'امُو
میوه که جان تُو د آرزوی شی بُود، از پیش تُو رفت و تمامِ شان و شَوَّکَت تُو از بین رفت و اُونا دِیگه هرگز پیدا
نمُوشَه.^{۱۵} تُجَارَای امزی چیزا که امزو شار دَولَتَمَند شُدَه، از ترسِ عذابِ اُزو دُور ایسته مُوشَه و چخرا و ماتم کده
^{۱۶} مُوگِیه: 'وَای، وَای! آی شارِ بُزْرَگ که كالای کتانِ نَرَم و رَخْتِ آرْغَوَانِی و سُرخ رَنگِ دَجان تُو بُود و قد طِلَّا و
دانه های قِیَمَتی و مُرواری ها مُرَیَن بُودی!^{۱۷} دِیگ ساعت امیقس دارایی کَلَوی تُو از بین رفت!'

و تمامِ کِشتی وانا و مُسافِرای کِشتی، خِدمتگارای کِشتی و پگ کسای که کار-و-بار شی دَ دریا بُود، دُور ایسته شُد
^{۱۸} و غَيْتِیکه دُود سوختونِ اُزو ره دید، اُونا فریاد کده گفت: 'كُدَم شار رقم امزی شارِ بُزْرَگ الَّی بُوده؟'^{۱۹} و اُونا
خاک دَ سر خُو آندخته چخرا و ماتم کد و چیغ زَدَه گفت: 'وَای، وَای دَ حَالِ شارِ بُزْرَگ که دَ اُونجی تمامِ کسای که دَ
دریا کِشتی دَشت، از دارایی شی دَولَتَمَند شُدَه! او دِیگ ساعت بیرو شُد!' آی آسمو، بلدِه نابُودی اُزو خوشی گُوا
آی مُقدَّسِین و رسُولا و پیغمبرا خوشی کِنید! چراکه خُدا دَ حق شُمو دَ ضِدِ اُزو قضاوت کد."

^{۲۱} اوخته يگ ملایکه قُدرَتَمَند، يگ سنگ ره که رقمِ سنگِ آسیا الَّی کته بُود گِرفته دَ دریا پورته کد و گفت:
"امیطور قد شِدَت شارِ بُزْرَگ بايُل سرِنگون مُوشَه و دِیگه هرگز پیدا نَمُوشَه. آوازِ بَرَبَطَنَوازا و بَيَتِ خانَا و
تولهچی ها و شیپورنَوازا دِیگه هرگز دَز تُو شِنیده نَمُوشَه و هیچ صَنعتَگر از هیچ کسب دِیگه هرگز دَز تُو پیدا
^{۲۲} نَمُوشَه. آوازِ سنگِ آسیا دِیگه هرگز دَز تُو شِنیده نَمُوشَه.^{۲۳} روشَنی چراغِ دِیگه هرگز دَز تُو روشنی نَمیديه و آوازِ
بیری و دامادِ دِیگه هرگز دَز تُو شِنیده نَمُوشَه، چراکه تُجَارَای تُو دَ بِلَه مرُدمَای دُنيا باداري کد و دَ وسیله جادوگری
ثُو تمامِ مِلَت ها گُمراه شُد^{۲۴} و دَز تُو حُونِ پیغمبرا و مُقدَّسِین و تمامِ کسای که دَ رُوی زمی دَ قتل رسید، پیدا شُد."

خوشی دَ عالمِ باله

^{۱۹} بعد ازی چیزا يگ آوازِ بِلَنَد ره شِنیدم که رقمِ آوازِ جمعیَتِ کته الَّی دَ عالمِ باله مُوگَفت:

"حمد-و-ثنا دَ خُداوند!"

نجات و جلال و قدرت از خُدای مو آسته،

^٤ چراکه قضاؤتِ اُزو دُرُست و عادلانه يه.

او دَبِله فاھِشِه کَلَه قضاؤت کد،

که دُنیا ره قد زِناکاری خُو فاسید کده.

او إنتِقام خُونِ خِدمتگارای خُو ره اُزو گِرفت.

^٥ اُونا بسم گُفت:

”حمد-و-ثنا دَ خُداوند!

” دُودِ شارِ بابُل تا آبدالآباد باله موره.

^٦ اوخته امُو بِیست و چار بُزرگ و چار مَوْجُودِ زِنده رُوی دَ خاک اُفتته خُدا ره که دَبِله تخت شِشْتُد، سَجده کد و
گُفت: ”آمین، حمد-و-ثنا دَ خُداوند!

^٧ بعد اُزو از تَخت يگ آواز بُر شُد که مُوگُفت:

” خُدای مو ره حمد-و-ثنا بُكِيد،

آی تمامِ خِدمتگارای اُزو،

آی تمامِ کسای که اُزو ترس دَربید،

” چې ریزه و چې کلنه.

^٨ دَ امُزو غَیت يگ چیز ره شِنیدم که رقم آوازِ جمعیتِ کلَه بُود، رقم آواز آو های کلو و رقم آواز گُرگُر دراغ های قَوی
که مُوگُفت:

”حمد-و-ثنا َ حُداوند!

حُداوند-خُدای مو،

امُ قادر مُطلق پادشاهی مُوکنه.

^٧ بِسِيد که شادی و خوشحالی کنی

و اُر ره بُزُرگی-و-جلال بِدی!

چُون زمانِ توی باره رسِیده

و بیزی شی خود ره آماده کده؛

^٨ دَزُو اجازه دَدَه شُدَه

تا کتانِ نَرم و روشو و پاک بُپوشه.

مقصدِ کتانِ نَرم اعمالِ نیکِ مُقدَّسین آسته.

^٩ اوخته ملایکه دَز مه گفت: ”نوِشته کُو: نیک دَ بَختِ کسای که دِ مهمانی توی باره دعوت شُده!“ اُر امچنان دَز مه گفت: ”اینِمیا کلامِ حقیقی خُدا آسته.“ ^{١٠} و ما دَ پیشِ پای شی اُشتدم تا اُر ره سَجده کُنم، لیکن اُر دَز مه گفت: ”ای کار ره نَکُو! ما قد ازْتُو و قد پِرارون تُو که دَ باره عیسی مسیح شاهِدی میدیه، همکار آسُنم. تنها خُدا ره سَجده کُو! چُون شاهِدی عیسی روح نَبُوت آسته.“

^{١١} اوخته دیدم که آسمو واژ شُد و دَ اونجی یگ آسپ سفید بُود که نامِ سوارشی «آمین» و «حق» بُود؛ اُر قد عدالت قضاوت مُونه و جنگ مُوکنه. ^{١٢} چیمای شی رقمِ آنگِه آتش بُود و دَ بله سر شی تاج های کلو؛ یگ نام دَزُو نوِشته بُود که هیچ کس نَمُوفاشه بَغیر از خود شی. ^{١٣} اُر یگ چَپَن دَ جان خُو داشت که دَ خُون غوطه شُدد و نام اُزو «کلام خُدا» گفته مُوشد. ^{١٤} لشکر های آسمانی که دَ بله آسپ های سفید سوار بُود و کالاهای کتانِ سفید و پاک دَ جان خُو داشت، از پُشتِ اُزو مورفت. ^{١٥} از دانِ اُزو شمشیر تیز بُر مُوشه تا قد اُزو مِلت ها ره بِزنَه. اُر قد سوِّیه آینی دَ بله

ازوا حُكمانی مُونه و چرخُشتِ شرابِ غَصَبِ خُدای قادرِ مُطلق ره قد پای خُو لغه مُونه.^{۱۶} دَ چَپَن و ران شی اینی نام نوشتنه يه: «شاہ شاهان و رب-الارباب.»

اوخته دیدم که يگ ملایکه د آفتتو ایسته بود و د تمامِ مُرغکوی که د مینکلِ آسمو پر میزنه، د آوازِ بلند چیغ زده گفت: «بیید، بلده مهمانی کله خدا جم شنید^{۱۷} تا گوشتِ پادشايو، گوشتِ قومَندا، گوشتِ قدرتمندا، گوشتِ آسپ ها و سوارای ازوا و گوشتِ پگ مردمها ره بُخورید، از آزاد و غلام و کله و ریزه ره.»

بعد ازو دیدم که جانورِ وحشی و پادشايونِ زمی قد لشکر های خو جم شد تا قد امزرو آسپ-سوار و لشکر شی جنگ کنه.^{۱۸} و جانورِ وحشی گرفتار شد و قد ازو قتی پیغمبرِ دروغی که د حُصُورِ ازو مُعجزه ها نشو میدد، ام گرفتار شد. پیغمبرِ دروغی د وسیله امزرو مُعجزه ها کسای ره گمراه کدد که نشانِ جانورِ وحشی ره د جسم خو قبول کدد و مُجسمه ازو ره پرستیش مُوکد. اونا هر دُوی شی زنده د دریاچه آتش که قد گوگرد سوخته ریی بود، آندخته شد.^{۱۹} باقی مَنِدِ ازوا قد شمشیری که از دانِ آسپ-سوار بُر مُوشد، کُشته شد و تمامِ مُرغکو خود ره از گوشتِ ازوا سپر کد.

هزار سال

۲۰ بعد ازو يگ ملایکه ره دیدم که از آسمو تاه مییه و کلی چاه بے آخر د پیش شی آسته و يگ زنجیرِ کله د دست خو دره.^{۲۱} او امو آژدار یعنی امو مار قديمي ره که إيليس يا شيطو آسته، دستگير کد و او ره بلده يگ هزار سال بندی کد.^{۲۲} او ره د چاه بے آخر پورته کد و درگه ره د رُوی شی بسته کده مهر-و-لاک کد تا او دیگه تئنه ملت ها ره گمراه کنه تا امو يگ هزار سال د آخر برسه. بعد ازو بلده يگ وخت کم او باید ايله شنه.

اوخته تخت ها ره دیدم و کسای که د بله ازوا شِشْتَد، دزوا اختیار قضاوت کدو دده شد. امچنان جان های کسای ره دیدم که بخاطرِ شاهِدی عیسی و بخاطرِ کلامِ خدا سر شی بُریده شد. اونا دُوباره زنده شد و هزار سال قد مسیح پرستیش نکدد و نشانِ ازو ره د پیشانه ها و یا د دستای خو قبول نکدد. اونا دُوباره زنده شد و هزار سال قد مسیح حُكمانی کد.^{۲۳} لیکن باقی مُرده ها تا آخرِ امزرو يگ هزار سال دُوباره زنده نشد. ای «دُوباره زنده شُدون» اول آسته. نیک بخت و مقدس آسته کسی که د «دُوباره زنده شُدون» اوّل حِصَه دره. مرگِ دوم د بله ازوا قدرت نَدره، بلکه اونا از طرفِ خُدا و مسیح پیشوایو مُوشه و هزار سال قد ازو حُكمانی مُونه.

محکوم شدون شیطو

وختیکه امُو هزار سال تکبیل شد، شیطو از بندیگری خو آزاد مُوشه^۸ و بُرو مییه که ملّت‌ها ره د چار گوشِه زمی، یعنی جُوج و ماجُوج ره گُمراه کُنه تا اونا ره بَلِدِه جنگ کدو جم کُنه که تعدادِ ازوا رقمِ ریگ دریا الی کلو استه.
اونا د پراخی زمی د حَرَكَتْ شُد و أَرْدُوْگَاهِ مُقَدَّسِين و شارِ دوست-دشتنی ره محاصِره کد، لیکن از آسمو آتش بارید و اونا ره قُورت کد.^۹ و ایلیس که اونا ره گُمراه کُدد، د دریاچه آتش و گوگرد آندخته شُد، د جایی که جانورِ وحشی و پیغمبرِ دروغی آندخته شُدد. اونا شاو و روز تا آبد عذاب مُوشه.

قضاياً مُرده‌ها

اوخته یگ تخت کله سفید و امُو ره که د بله شی شِشتُد دیدُم. آسمو و زمی از حُضُور ازو دُوتا کد و بَلِدِه ازوا هیچ جای پیدا نَشَد.^{۱۰} و مُرده‌ها ره ریزه و کله شی ره دیدُم که د پیش تخت ایسته بُود و کتابا واز شُد. یگ کتاب دیگه ام واز شُد که او کتابِ حیات بُود و مُرده‌ها د مُطابِقِ اعمال خو که د کتابا نوشه بُود، قضاوت شُد.^{۱۱} و دریا مُرده‌های ره که د مَنِه شی بُود پس دَد؛ و مَرگ و عالمِ مُرده‌ها ام مُرده‌های ره که د مَنِه ازوا بُود پس دَد و هر کس د مُطابِقِ اعمالی که انجام دَد بُود، قضاوت شُد.^{۱۲} بعد ازو مَرگ و عالمِ مُرده‌ها د دریاچه آتش آندخته شُد. دریاچه آتش مَرگ دَوْم آسته.^{۱۳} و هر کسی که نام شی د کتابِ حیات نوشه نَشَد بُود، او د دریاچه آتش آندخته شُد.

اورشلیم نو

۱۴ بعد ازو یگ آسمون نو و یگ زمین نو دیدُم، چون آسمون اول و زمین اول از بین رفت و دریا دیگه وجود نَدشت.^{۱۵} اوخته شارِ مُقدَّس، یعنی اورشلیم نو ره دیدُم که از طرفِ خُدا از آسمو تاه مییه، آماده شده رقم یگ بیری که بَلِدِه شوی خو جور شُده.^{۱۶} و یگ آوازِ بلند ره از تخت شِنیدُم که مُوگُفت:

”اینه، جایگاهِ خُدا د مینکلِ انسان‌ها آسته“

و او قد ازوا بُود-و-باش مُونه.

اونا قَوْم ازو مُوشه

و خُدا خود شی قد ازوا مُوبیشه

و خُدای ازوا مُوشہ.

۱۳ او هر آودیده ره از چیمای ازوا پاک مونه.

و مَرْگ دِیگه نیسته

و ماتم و ناله و دَرَدْ و جُودْ نَمِيدَشته بَشه،

چراکه چیزای اوّل از بین رفت.

اوخته امو که ڏبله تخت شِشتُن، گفت: "اینه، تمام چیزا ره از نو جور مُونم." و بسم گفت: "نوشته کو، چراکه امي توره ها قاپلِ اعتِماد و حقیقت آسته." ^٦ بسم ڏز مه گفت: "تکمیل شُد! ما «آلف و یا» و «شروع و خَتم» آستُم. هر کسی که ٿُشنے یه، ما از چشمِه آبِ حیات مُفت-و-رایگان ڏز شی میدیم.^٧ و هر کسی که پیروز شُنہ، وارثِ پگ امزی چیزا مُوشہ و ما خُدای ازو مُوبِئُم و او فرزند مه. ^٨ لیکن ترسوها، بے ایمانا، فاسِدا، آدمکشا، زناکارا، جادوگرا، بُت پرستا و تمامِ دروغگویا، جای شی ڏ دریاچه آسته که قد آتش و گوگرد سوخته ری یه که مرگ دوم آسته.^٩

بعد ازو یکی امزو هفت ملایکه که هفت پیله پر از بلای آخری دشت، آمده دز مه گفت: "بیه که ما بیری ره دز تُو نشو بدیم، خاتون باره ره." ^{۱۰} اوخته او مرد روح دیگ کوه کته و قیل بُرد و شارِ مُقدَّس اورُشلیم ره دز مه نشو دد که از آسمو از طرفِ خُدا تاه میمَد. ^{۱۱} او شار پُر از جلالِ خُدا بُود و روشنی شی رقمِ سنگِ قیمتی، یعنی مثل یشم بُود و شفاف مثلِ لور. ^{۱۲} او یگ دیوالِ کته و قیل و دوازده درگه دشت که دارگه های شی دوازده ملایکه بُود و دارگه ها نام های دوازده طایفه بنی اسرائیل نقش شد: ^{۱۳} او سه درگه سُون شرق دشت، سه درگه سُون شمال، سه درگه سُون جنوب و سه درگه سُون غرب. ^{۱۴} دیوال شار دوازده پای-سنگ دشت که دارگه ازوا نام های دوازده رسول باره نقش شد.

^{۱۵} امۇ ملايىكە كە قد ازمه تورە مۇگفت، يىگ سىخ اندازه گىرى طىلابى داشت تا شار و درگەھاى شى و ديوالاي شى رە اندازه بېگىرە. ^{۱۶} شار د شكل چاركىنجى بۇد و دىرازى شى د اندازه بېرىشى بۇد. امۇ ملايىكە شار رە قد امزو سىخ

اندازه گرفت که درازی ازو دوازده هزار تیر پورتو بود و درازی و بر و بلندی شی یگ برابر بود. ^{۱۷} او دیوال شی ره ام اندازه گرفت که یگ صد و چل و چار توغی بود، مطابق اندازه گیری انسان که ملایکه ازو کار میگرفت.

^{۱۸} دیوال شی از یشم جور شدد و خود شار از طلای خالص جور شدد که رقم شیشه پاک بود. ^{۱۹} پای سنگ های دیوال شار قد هر رقم سنگ های قیمتی مذین شدد: پای سنگ اویل یشم بود، دومی یاقوت نیلی، سومی عقیق آوی، چارمی زمرد، ^{۲۰} پنجمی عقیق سرخ، ششمی عقیق چکری، هفتمی زیرجد زرد، هشتمی عقیق آسمانی، نهمی یاقوت زرد، دهمی عقیق سوز، یازدهمی فیروزه و دوازدهمی لعل کبود. ^{۲۱} امو دوازده درگه، دوازده مرواری بود، هر درگه از یگ مرواری جور شدد. سرک کله شار از طلای خالص بود، پاک رقم شیشه.

^{۲۲} ما هیچ خانه خدا د امزو شار ندیدم، چراکه خداوند-خدای قادر مطلق و باره، عبادتگاه ازو استه. ^{۲۳} و شار د آفت و ماهتو ضرورت ندره که د بله شی روشنی کنه، چراکه جلال خدا او ره روشو مونه و باره چراغ ازو استه. ^{۲۴} ملت ها د روشنی ازو راه موره و پادشاهیون زمی شان-و-شوقت خو ره د منه ازو میره. ^{۲۵} درگه های شی د غیبت روز بسته نموشه، چراکه شاو د اونجی وجود نمیداشته بشه. ^{۲۶} مردم شان-و-شوقت و ثروت ملت ها ره د منه ازو میره. ^{۲۷} و هیچ چیز ناپاک د منه ازو داخل نموشه و نه ام کسی که کارای زشت ره انجام بدیه یا فریبکاری کنه، بلکه تنها کسای که نام های ازوا د کتاب حیات باره نوشتند شده، داخل نموشه.

دریای آب حیات

^{۲۸} اوخته امو ملایکه دریای آب حیات ره دز مه نشو دد که رقم پلور الی شفاف بود و از تخت خدا و باره جاری موشد و از مینکل سرک کله شار تیر موشد. د هر دو بغل دریا درخت حیات بود که دوازده دفعه میوه میگرفت یعنی د هر ماه میوه خو ره میدد و بلکای امزو درخت بلده شفای ملت ها بود. ^{۲۹} د اونجی دیگه هیچ لعنت وجود نمیداشته بشه. تخت خدا و باره د منه شار موبشه و خدمتگارای خدا او ره عبادت مونه. ^{۳۰} اونا چهره ازو ره مینگره و نام شی د پیشانه ازوا موبشه. ^{۳۱} د اونجی دیگه شاو نموشه و اونا د روشنی چراغ و روشنی آفت ضرورت نمیداشته بشه، چون خداوند-خدا بلده ازوا روشنی میدیه و اونا تا آبدالاباد حکمرانی مونه.

^{۳۲} و ملایکه دز مه گفت: "امی توره ها قابل اعتماد و حقیقت استه. خداوند-خدای آرواح پیغمبرا، ملایکه خو ره ری کده تا چیزای ره که د زودی باید واقع شنه د خدمتگارای خو نشو بدیه."

^٧ عیسیٰ مُوگیه: "اینه، ما دُزودی میم! نیک دَ بختِ کسی که توره های پیشگویی امزی کِتاب ره دِل خُونگاه کُنه."

^٨ ما یوختا کسی آستم که امی چیزا ره شینیدم و دیدم. و غیتیکه شینیدم و دیدم، د پایای امزو ملایکه که امی چیزا ره دَز مه نشو دد، افتدم تا او ره سَجده کُنم. ^٩ لیکن او دَز مه گفت: "ای کار ره نکو. ما قد از تو و قد بِرارون تو پیغمبرا و قد کسای که توره های امزی کِتاب ره نگاه مونه، همخدمت آستم. تنها خُدا ره سَجده کُو!" ^{١٠} بعد ازو دَز مه گفت: "توره های پیشگویی امزی کِتاب ره مهر-ولاك نکو، چراکه وخت نزدیک آسته. ^{١١} کسی که بَدکار آسته، بیل که دَ بَدکاری خُواهادامه بِدیه و کسی که فاسید آسته، بیل که دَ فِساد خُواهادامه بِدیه و کسی که عادل آسته، بیل که دَ عدالت خُواهادامه بِدیه و کسی که مُقدَّس آسته، بیل که خود ره مُقدَّس نگاه کُنه."

^{١٢} عیسیٰ مُوگیه: "اینه، ما دُزودی میم! آجر مه قد ازمه قتنی آسته تا دَ هر کس مُطابقِ اعمال شی بِدیم. ^{١٣} ما «آلف و یا» آستم، «اول و آخر» و «شروع و خَتَم». ^{١٤} نیک دَ بختِ کسای که چپنای خُواهادامه بِدیه تا دَ درختِ حیات حق داشته بشه و پتنه از درگه د شار داخل شنے. ^{١٥} دُبرون شار سَگا، جادوگرا، زناکارا، آدمکشا، بُت پَرستا و تمامِ کسای آسته که دروغ ره خوش دَره و دروغ مُوگیه. ^{١٦} ما عیسیٰ، ملایکه خُواهادامه بِدیه کُدم تا دَز شُمو دَباره امزی چیزا دَ جماعت های ایماندارا شاهدی بِدیه. ما ریشه و نسل داؤود و سِتاره روشنون صبح آستم."

^{١٧} روح و بیری مُوگیه: "بیه."

و هر کسی که میشتوه، بُکیه: "بیه."

و هر کسی که تُشنه يه، بیه

و هر کسی که دِل شی آسته، از آبِ حیات مُفت-و-رایگان بِکیره.

^{١٨} ما یوختا تمامِ کسای ره که توره های پیشگویی امزی کِتاب ره میشتوه خبردار مُوئم: اگه کُدم کس دَ امزیا کُدم چیزِ اضافه کُنه، خُدا بَلاهای ره که دَ امزی کِتاب نوشتنه شُده، دَ بَلَه ازو اضافه مونه. ^{١٩} و اگه کُدم کس از توره های پیشگویی امزی کِتاب کُدم چیز کم کُنه، خُدا او ره از درختِ حیات و از شارِ مُقدَّس که دَ امزی کِتاب ذِکر شُده، بَ نصیب مونه.

^{۲۰} امۇ کە شاھىد امزى چىزا آسته، مۇگىھ: "آرے، ما ڈُزُودى مىيىم. " آمين! بىھ آى مَولا عيسى.

^{۲۱} فيَضِ مَوْلَا عِيسَى نَصِيبٌ پَّغْ [مُقَدَّسِين] شُنَه. آمين.